

文集

虛白堂集

六







虛白堂文集卷之一

男 世昌 編輯

賦

石假山賦

有大人先生以天地爲遽廬六合爲幃幪烟雲爲氣候江海爲襟胸風簾刁膠卽我之絲桐花鳥忻悅卽我之隸僮運奇巧於心匠劖山骨之礪礪忽異境之來設迷不知其西東其爲形也嶺岿則劣截薜嵒從崔嵬崕岬靡穹窿或盤或紆或橫或縱或累階阼



或攢劍鋒或揭瓊豆或陳簋縱或翱翔雕準或挈攫  
虎熊或若昂首之鳥或若蠶尾之虫或若峨冠之顙  
或若祛袖之縫或若跟肘之露或若髻髮之鬆或若  
篆籀之錯或若龜墨之烘背若相詬聚若相攻塞若  
相隔亘若相通拱若相揖俯若相逢驚若跨駭耳之  
驟突若驚鳥弮之弓不憑五丁而開九折之坂不賴  
神禹而成䟽鑿之功巋然出衆者父母之崇環衛輔  
佐者衆雛之恭沉沉虛牝濯濯芙蓉甜閒爲谷迴繚  
爲墉紋以班駁間以青紅紛敷馥郁芬鬱清葱日升



炳煖月出玲瓏霜推愈厲兩洗更濃晴炯冉々籠帶  
半腹依稀雲氣隨飛龍羣飛薨薨來去尋芳彷彿鶴  
鶴棲喬松茫洋出塵之表窈窕希世之蹤大抵高低  
遠近鉅細霍繹其狀似不同而無不同客有詣先生  
者曰儂聞華藻推大槩之美芻豢害至味之供砭砭  
銜彩於璫璃荃蕙混臭不蘭最今日所覲使人恍惚  
盲聾不知陰陽之造化如小兒嬉戲而示人以豐耶  
抑不知風雨之夕夔魑魍魎偷天盜月斧剗斲而磨  
礱之邪是何奇奇恠恠竦變化而驚愚蒙先生曰不



然自其少者而言之則肝膽不為我有自其大者而  
言之則天地亦不我容千里起於咫尺而漸遠萬物  
出於毫忽而無窮彼隱轡相屬者太行王屋之重崕  
聳孤撐者天柱祝融之峯浸浮而瀉者龍門灩澦之  
衝泓澄而畜者洞庭雲夢之濠塹峨陡絕俯挹灘瀨  
者大別小別之勝赤壁浯溪之雄由是觀之拳石爲  
岱嶽之宗勺水爲河海之洪芥舟回滌即龍驤萬斛  
之駕長風鯨鯢撥刺即穹鯨巨鰲之掀天空然則孰  
假孰真何去何從拙不必拙工不必工詐非其詐忠



非其忠悶亡昏昏方非春明明察察方非聰人有窮  
達道有汙隆得何欣欣失何忡忡固當逍遙放浪心  
會神融若將鞭笞鸞鳳馭汗漫而超鴻濛何必在廣  
寒之府瑤池之宮又何必蠟屐披榛而往來憧憧昔  
子虛子從亡是公賦上林之勝而媚武陵之翁彼當  
時齊誇楚詭者不啻吞八九於胸中今則雲山暖翠  
千萬狀坐卧相對乎房櫳樂吾樂兮不鼓鍾之鼓鍾  
嗟乎紆青拖紫奔走於紅塵者擾擾如鹽甕之蠅蠓  
客乃睢盱踈踏屏氣曲躬坐同據梧起偕携筇固將



邈外聲利脫畧萬事而相與之終始

涸轍鮒賦

客有慕逍遙之遊歛衡氣之機俛仰宇宙跌宕襟期  
偶見轍中之鮒橫於中達魚乃擡首喁喁直視瞠眙  
而言曰嗟乎遲子之來久矣性本冥頑命舛數奇離  
羣絕類困阨于茲蹄泮不足以有容涎沫不足以爲  
滋風沙莽其眯目炎景爍芳曝肌口欲舉而不舉尾  
頻掉而益疲初蜿蟺而自肆卒蹭蹬而愈危躩踞無  
力蹉跎難支乃焦乃涸竟就枯萎井蛙猶以自大泥



鯀得以相欺望西江兮莫及悲無人兮轉移瀆於死  
而莫之悟哀性命兮如絲有時扼腕思想舊池洪纖  
鱗族朋遊羣嬉含蘋咬藻咸得其宜予獨何辜而至  
於斯今子救我於升斗之水放我於清冷之波則悠  
揚撥刺奮迅逶迤磨腮拂鱗鼓鬣揚鬐或潛在潭或  
躍緣崖三江五湖任其所之乘輕潮而上下排雪浪  
而追隨侶鮫鱗而藉力飽蝦蛭以療飢泐深淵以遵  
晦縱大壑而發施勢將噴雲泄霧變化容姿登千尺  
之龍門期斷尾以高馳蘇三春之旱霓救萬姓之瘡



瘼子將有意於拯救之乎庶將得免於枯魚之肆賴  
造化以為儀客乃莞爾而答曰天地之間品彙紛滋  
吉凶縲戾榮辱參差物各有遇遇各有時得何為喜  
失何為悲吹噓轉拔非我所為於是客卒無語魚亦  
噫嘻望天門之咫尺思潤澤之下施

踰大嶺賦

余幼好茲竒覽方曠神情以冥搜境無幽而不討兮  
身何遠而不遊聞東溟之奧區兮有蓬島與瀛洲承  
后皇之懋眷方徇原隰而咨諏攬余輿而東邁兮山



川驚乎相繆曰其中之有嶺方薄雲漢而凌斗牛根  
盤盤其幾百里方巋然鎮乎遐之陬路羊腸其曲折  
方若騰空之飛蚪青泥不足以踰其險方劒閣邈難  
與儔馬蜷曲而不行兮人喘汗而屢休樹千尺之蒼  
蒼方覆虛牝而陰幽日晻晻而易匿兮雲憑憑而上  
浮倚樓鵲之危杪方俯百丈之深湫幽泉咽乎冰下  
兮如戛擊之鳴球顓奇觀勝槩之不一兮意浩蕩而  
難收時矯首而遠望方渺滄海之悠悠執將排風而  
遠馭兮仍羽人於丹丘芝車雲蓋不可得而遇兮隱



余心之如妯吾令鳳鳥飛騰兮求宓妃而爲迷靈脩  
浩蕩而莫之察兮女嬃又不我謀既凡塵之永隔兮  
余何獨壹鬱而無繆酬弧矢之壯志兮任天命而不  
憂永神仙於渺茫兮亦前脩之所尤不務近而驚遠  
方吾固知枘鑿之難侔老冉冉其將至兮徒側側今  
焉求欣援筆而作賦庶幾慕逍遙於壯周

萬景臺觀海濤賦

海於大地其大無匹水之爲物性本柔逸馳主張於  
中間奄奔崩而泛濫其爲形也鄰仁泌下滔滔汨汨



瀏濫潒沱澎鼻蕩潏非喜而躍非怒而拂非憂而怛  
非懼而怵非寒而凜非熱而沸胡然而騰亦胡然而  
沒茫々大洋之面中流不動而與天爲一忽見長風  
奮起湧嗟峨萬丈之銀闕徊徨瞬息之際而如山之  
摧如人之蹶紛紜滿空之白雪次第驅擁而秩々觸  
千尺之機而振驚飛冒乎崔嵬飄揚散落而流下乃  
百道懸瀑洄瀉乎巖穴小珠大珠聯絡而頽碎方瑰  
奇珍寶盡搜乎鮫窟因氣乘陵而遠逝方衍平臬之  
四出倏收斂而還退兮晴沙淨澹而不雜乎泥渥搖



蕩乎亂石之間兮盤盪溘澹而其勢莫奪千匯萬匝  
而不已兮急於箭而疾於駟喧阗震薄而涵湧方電  
礮裂而雷恍惚包乾括坤滔星浴日長鯨掀鬣而鑿  
戰方金鰲昂首而搪揆馮夷縱靶而陽侯弭節方百  
靈慘戚而神鬼隳突非精衛之冤所能塞非錢王之  
箭所能遏萬折何從而歸尾閭何自而洩如馬陵孫  
龐之相迫列炬燭路而萬弩俱發又如昆陽之戰大  
雨建瓴而虎豹股慄雄威壯孰孰得而比肩兮所見  
甚大而眼界彌豁吾聞登太山而小天下兮見聖人



所立卓爾而人莫測其瞻忽觀於海而難為水方見  
大賢心志之發越河伯屈於海若莊叟亦有此奇說  
彼匏繫於一方固達人之所不屑觀舞劍者尚有傳  
巧於神華况於此而有得其何不達大無外而小無  
內是道體之本末若能窮其源而深八用之無盡而  
酌之不竭夫然後浸潛漸漬可以升七十子之堂而  
入夫子之室

遊三日浦賦

撫輞川之圖者不如摩詰之遊讀桃源之記者不如



漁舟之遇蓋書盡能使人想其舊跡不能使人設其  
真趣而觀山川面目者始可免簾中兔耳余嘗陋匏  
瓜之繫懷弧矢之志攬范蠡遵海澣招招黃帽遊於  
三日之浦羣峯黛愁湖水秋淨翠羽回翔錦鱗游泳  
於是仰踞蘚石俯臨清鏡撫六子之丹書發雲端之  
孤詠顧謂客曰彼龍從鼉鼉者出自長白延袤南端  
千竒萬狀作一頭風嶽而其糠粃猶能陶鑄三十六  
仙山也神區勝景擅名今昔別有天地非人間也以  
其地隣東海之濱委棄荒遐之壤貴冢之繡幃不來



金門之珠履不往窺。千載誰協真賞。幸以稼亭有  
東遊之記。謹齋著尾注之詩。然所觀者不過軋軋一  
面。所遊者只是滄海之濤。艱關匹馬踽踽獨行佳篇。  
美什誰與酬賡。況當其時。天步艱難。荒歲騷屑。雖有  
山川無儷之景。而不能償一己之忤鬱也。今吾與子  
逢千一之休明。致邦家之嘉靖。民物無虞。烽燧絕警。  
諮諏乎皇華之原。隰苴乎召伯之甘棠。領山川而  
歛歛吐光景。而歛揚嶺東西二十六邑之境。盡落吾  
掌握。無境不探。無詩不錄。是亦旅羈中之一樂也。彼



述郎永郎之荒誕不經非吾儒之所可措式也噫四  
仙而後有稼亭謹齋兩公之後遊者幾儕皆泯滅而  
無餘則今日之神奇亦當臭腐而爲枯骸矣惟山與  
水萬古如一彼嶙峋者如彼而未嘗滅淵沚者如此  
而未嘗竭自其未嘗渴滅者而言之則吾亦天地間  
之一物身雖沒而名不沒自其渴滅者而言之則吾  
豈能與天地等埒是身之微如草露之易泄悲夫客  
曰不然折楊之音不入於黃鐘之室剗胎之說不雜  
於熊羆之祥當太平之時而所譽者行樂耳何苦茹



恨而悲傷得無與泣牛山者類歟於是相視一笑引  
滿促膝醉歌嗚嗚興酣耳熱不知舟中之有明月也

### 駐蹕山賦

按大明一統志山在遼東西南十五里許  
連海州衛界山頂平石之上有指掌之狀  
泉出其中挹之不竭晉司馬懿圍公孫淵  
於襄平有星從首山墜城東南唐太宗征  
高麗嘗駐蹕其巔勒石紀功因改駐蹕山  
云歲乙巳余奉王命朝京師道經山下



懷想古昔遂用洪武韻賦之

遡遼城而西邁方望有山之孤峯執騰騫而斗起方  
羌偃蹇而龍從接河流之控帶方鎮鶴野之鴻濛崑  
石盤盤其如掌方沸檻泉之飛淙昔典午氏之擁兵  
方圍公孫於襄平之墉燦星氣之夜動方若踰漢之  
長虹紛歷代之割據方輿圖出八乎華戎當貞觀之  
盛際方蔚風虎而雲龍混車書於萬國兮俯六合而  
豪雄蓋蘇氏之肆凶兮罪大極而難容虬髯奮而若  
戟方赫斯怒而徂攻儼師旅之桓桓方竟如鼎而如



熊咆巫閭而右折兮金鼓震撼乎山之東親負土石  
親塞河梁千僚狼狽萬指倥傯弭清蹕而戾止兮登  
山豕之穹窿豺貅紛兮布野旌旗藹兮蔽空坐進退  
乎六師兮散白羽之清風視青丘彈丸之片地兮固  
已在乎目中矧正命而言順兮孰有犯乎吾鋒曾不  
圖軋輦之撼樹兮傷枝葉而瘁躬忽玄花之掩翳兮  
竟頻轡而迷蹤縱得遼而獲將兮悔噬臍乎歎終歎  
諫疏之無人兮益思慕乎鄭公僅拓境而復壇兮匪  
王者之奇功鑄山骨而紀事兮欲誇耀於無窮曰所



駐而命名方名愈大而愈隆嗚呼櫛風沐雨何如細  
氈廣廈之宮戎車萬乘何如干羽文德之雍顯霸氣  
之猶蓄兮欲一洩而蕩胸未免貽譏笑於後人兮撫  
青史而懷々於赫皇明千載罕逢無為而聲教遠暨  
不戰而梯航自通雖我邦之僻遠兮亦孰壤而處恭  
乘使輅而過此者孰不仰高山而想唐宗慨往事之  
如彼忤余心兮有忉歌曰昔未駐蹕培塿與同一焉  
駐蹕高朗顯融唐師徂東揮霍橫縱民雖不靖山則  
貴崇聖化無外弈々風々山雖不遭民則殷豐人加



名字山無功庸崑然千載鎮彼遐封

華表柱賦

遼東城內舊有華表石柱人言丁令威化  
鶴歸來處也

瞰平郊之靄二方訪遼陽之古城渺華表之何許方  
忽孤柱之崢嶸撫千年於茲土方攄吊古之幽情四  
無人其寂寂方澹天高而月晶若有客兮東土頽矐  
古而氣清拖玄裳之參差方被皓服之晶熒拳瘦脚  
而玉潔兮聳丹頂而霞賴儼翩翩而傍砌兮華彩彩



而飄英吐清言之嘹唳兮訴胸中之不平曰世人之  
質二方為外物之所櫻紛六鑿之相攘兮汨塵土而  
營營孰高蹈而遠引兮邈浮雲之利名我悲世之若  
是兮獨超然而遐征挾飛仙而羽化兮冲太空而揚  
靈風飄々而動袂兮雲冉冉而扶翎朝崑崙之玄圃  
兮暮滄海之蓬瀛忽臨睨夫故鄉兮靄塵壻之冥冥  
宛城郭之依舊兮繚雄堞而縱橫川原曠其盈視兮  
人物半其彫零紛芥屋之纍々兮荒草鞠兮墳塋止  
柱頭而惆悵兮捫余心之遽驚悟塵世之易悲兮知



吾道之可行願教余以吾術方偕度劫而長生子何  
東西而靡盬方拋馬上之流齡余乃申申而就答方  
請余言之一聽懿今世之昌盛方翕和風於八紘民  
盡登於壽域兮咸熙仁於鑿耕搆清淨以爲化方澹  
無爲而自寧何苦挺身而獨潔方負千一之休明子  
笑我之汨沒兮我哀子之伶傳語齊諧而無階方子  
無乃化鶴之姓丁者乎於是客乃告去戛然長鳴回  
首視之不見其形

### 北征賦



鯁生伏覩明公上承 天子之命以攄我  
王之誠征討女真奏凱而還當時作詩美  
之者皆文章巨擘珠璣盈軸使人讀之鼓  
舞揄揚之不能已生亦不揆鄙拙謹敷陳  
其事作賦一首仰呈左右

繫坡嶽之偃蹇兮上峻極于天維鍾厥美而降神兮  
產賢哲而輔時惟公之子甬不羣兮逞蓋世之雄姿  
既修姱而練要兮又卓犖而不羈撓不濁而愈潔兮  
汪汪萬丈之波集羣智而為囊兮殷々五總之龜精



神變化若海天之無涖方難可以蠡測而管窺躬六  
籍而探賾方志專專而編常發其言而為文方敷華  
花之葳蕤再舉桂於郢林兮躡珠履於鳳池忠誠之  
既來激兮乃補衮而扶危丹青炳煥乎麟閣兮金甌  
召重乎台司燮陰陽而寅亮兮熙庶績而允釐當屠  
維大淵獻方氛祲起於北隅彼女真之倨強方憑啟  
居之險巖聒咿乎上國兮構邊徼之瘡痍赫天兵  
之俯集兮申九伐而往治皇攬揆我王之忠蓋兮  
命勤王而出師王謂卿士而登進兮曰明德乎我



辭顧惟帝命之不易方將何欽承而勿隳衆發言而  
盈庭方皆念茲而在茲惟左相之柱石方世忠貞而  
無虧備吉甫之文武方敦郤縠之書詩是宜當夫閫  
寄方可推轂而遣之旗旄揚乎旆仁方四牡壯而騤  
騤勇夫伉仁而超乘方闢如熊而如羆公錦裘而繡  
帽方騁六轡而如絲儼中軍而作好方肅將雷霆之  
威心無二乎敵愾兮指蒼天而爲期壯韜鈴於胸中  
方發虎豹之六奇邈長風而冒積雪方進鋪敦乎江  
之湄審山谿之紆曲方應天兵而角犄顧醜類之蟻



聚蜂屯方可制挺而櫓咎爭梁入乎幽阻方窮扁穴  
而取虎兒若草薶而禽獮之方俱汎掃而無遺餘種  
啄而奔避方竄荆棘而悔不可追威稜振乎遼瀋方  
壯士塞乎岵夷天驕褫魄而戢手方周道望其如砥  
爰執訊而獲醜方載後車而相纍獻馘於天庭方  
皇覽之而色懌怡朕嘉王之忠赤方壯士助順而  
驅馳錫彤弓與旅矢方又金帛之參差公振旅而旋  
師兮仰稽首乎丹墀曰匪臣之功方由聖上之指揮  
荷光寵之若斯方奄泚頽而忸怩上推功而勿與




方實惟卿之所爲膺帝命而勿替兮輔寡躬而益致  
備君臣之會合兮儼都俞而相規威名灼其遠播兮  
舉天下而咸知彼戎狄之爲難兮觀振古而如斯華  
夏屢被其毒兮歷代多患乎羈縻昔宣王之修攘兮  
悼周室之中衰吉甫徃征獫狁方叔又攻蠻夷叙  
戎功而作詩方爲燕饗之樂祠裴晉公之桓桓兮任  
天討而心不移擒淮曲之逋寇兮整唐室之傾欹用  
山斗之雄文方紀厥功於豐碑今公之宏勲懿德兮  
亦可銘於鼎彝興先春樹碣之偉績而並青史而昭



垂顧余質之樸樛芳材謏薄而無裨覩希有之盛事  
方烏可已乎詠思乃作歌曰天子有命我王敬祗  
王命徂征公行勿遲公功益高公心益卑上膺晉錫  
退備燕私貂珥蒲座光榮門楣樂卷兩部酒列千鴿  
公無耽樂戰兢自持周旋規矩左右其宜乘周赤舄  
爲殷騎箕筌鏞治道撫輯黔黎人樂耕鑿皞皞熙熙  
樂只君子邦家之基樂只君子福履斯綏於樂百年  
壽考維祺





虛白堂文集卷之一

一  
 二  
 三  
 四  
 五  
 六  
 七  
 八  
 九  
 十  
 十一  
 十二  
 十三  
 十四  
 十五  
 十六  
 十七  
 十八  
 十九  
 二十  
 二十一  
 二十二  
 二十三  
 二十四  
 二十五  
 二十六  
 二十七  
 二十八  
 二十九  
 三十  
 三十一  
 三十二  
 三十三  
 三十四  
 三十五  
 三十六  
 三十七  
 三十八  
 三十九  
 四十  
 四十一  
 四十二  
 四十三  
 四十四  
 四十五  
 四十六  
 四十七  
 四十八  
 四十九  
 五十  
 五十一  
 五十二  
 五十三  
 五十四  
 五十五  
 五十六  
 五十七  
 五十八  
 五十九  
 六十  
 六十一  
 六十二  
 六十三  
 六十四  
 六十五  
 六十六  
 六十七  
 六十八  
 六十九  
 七十  
 七十一  
 七十二  
 七十三  
 七十四  
 七十五  
 七十六  
 七十七  
 七十八  
 七十九  
 八十  
 八十一  
 八十二  
 八十三  
 八十四  
 八十五  
 八十六  
 八十七  
 八十八  
 八十九  
 九十  
 九十一  
 九十二  
 九十三  
 九十四  
 九十五  
 九十六  
 九十七  
 九十八  
 九十九  
 一百



虛白堂文集卷之二

男世昌編輯

辭

悲吊辭

遘余馬而西邁方憇孤竹之故園仰夷齊之高躅方  
想當時之芳蕓惟夫子之爲聖方特獨立乎乾坤房  
天倫之爲重方兄父命之是尊疑萬乘其如脫方色  
斯舉而高騫卓長往而不返方伏西山之丘原見微  
蕨之離離兮爰采采而充飧樂吾志而忘飢方肯周



栗之可吞周王興而墨襄方致萬國之波奔是以暴  
而易暴兮何忠義之足論慨唐虞之世遠方永終矣  
而不諼念吾身其何歸兮殷社墟而雲昏寧餓死而  
不顧分又何讎而何冤乃求仁而得仁方有宣尼之  
格言凜英風之如昨方亘萬古而長存俾後人而取  
則方頑夫廉而薄夫敦右吊夷齊

粵自賡歌之風云邇兮何世教之沉沉君視臣如土  
芥方孰相戒而規箴惟啗受之昏暴兮縱一己之驕  
淫既峻宇而雕墻方又甘酒而嗜飲寵豔妻而煽處



芳崇廉來之孔壬罪貫盈而莫拯芳火益熱而水益  
深惟王子之謫々芳懷蒲腹之忠忱慨湯緒之將殄  
芳孰憂思之可任不願少師之適周兮爲臣僕而輸  
琛不願太師之爲奴芳苦被髮而調琴願蓀美之可  
完芳肯括囊而佯瘖仰批鱗而不止芳寫歷々而披  
襟既余聽之邈々兮反見剖乎歎以仁而蹈害  
芳信天道之難謀偉三仁之惻怛芳忠於古而名於  
今撫遺圖而慘澹芳聊作頌而悲吟右吊比干  
彼高伊何芳蒼蒼者天夫何殲此良人芳不獲自全



子車氏之三子方若寶樹之相聯何秦君之不仁方  
若驅迫而不少迤從厥父之亂命方奄從閑乎九泉  
臨其穴而惴慄方張超超而莫前云白日之昭昭方  
入長夜之玄玄人百身而思贖兮孰不為之恻然先  
王作爲美法方遺後嗣而相傳彼穆公之爲君兮亦  
一代之英賢生既詢茲黃髮方赦三帥之罪愆豈有  
臨死之日方忍用良善以從遷知秦之不復東征兮  
只霸西戎之一邊作俑者之甚不仁兮竟貽害於萬  
千後乎驪山之冢破兮無過者之傷憐慨三良之枉



死方徒詠思乎黃鳥之篇

右吊三良

采苓采苓兮胡爲乎首陽之高岡何昏庸之不諒兮  
反信巧舌之如簧惟彼黠戎兮其維豺狼生此懿義  
兮鑢錡鋒鏖作厲階於邦家兮屠蝕君之肺腸祀事  
有序而不成兮何遽夢乎齊姜墳地斃犬之毒手兮  
信情狀之易詳彼蒲棘尚能發跡而興葉兮何太子  
之不自量念君父之寢處兮賴此人而樂康苟君心  
之得安兮豈余身之憚殃順其志而無違兮亦余心  
之所臧孝烝仁而難白兮忠昭昭而未彰甘鼎鑊而



不避兮付生涯於蟻羊隆新城之新語兮徒恍惚而  
荒唐非徒聳當時之痛懷兮亦後人之盡傷至今千  
載之下兮淩余涕之汪洋古吊申生

寒食兮春天雨雪兮霏風奔騰而奮怒兮想先生  
之餘威惟先生之仕于晉兮盡厥職而心不違十九  
年之在外兮勤奔走而執轡趙魏兮先後韓范兮曰  
依君子所附兮小人所腓咸承恩而寵顯兮近日月  
之光輝顧余有勞而不見錄兮曾不如寺拔之賤微  
彼羣龍之變化兮龜雲從而天飛獨一蛇之蹭蹬兮



徒懔恍其奚歸塊獨處乎山中方火烈烈而四圍寧  
爲槁腊而臭腐方不顧食祿而身肥嗟駢脇之太忍  
方難可與啓沃而格非縱置綿田以祀之方無救當  
時之苦飢直行而不回方如先生者幾希撫青史而  
太息方仰景總之巍口

右吊介子推

鬻熊之邦中圯方竿社鷖而爲灰仲雍之緒重續方  
如白日之方開文身化爲冠帶方繇刀變爲長材誰  
能致此富強方惟伍氏之英魁挺身逃亂方秉志不  
回助吳成霸方雄視八垓舉彼鄢郢方如伐條枚復



讎之志雖大兮何至鞭笞中之枯骸身咏嘗膽而脾  
睨方宰嚭狼狽而虎猜使蓋世之勲名兮遭姦邪之  
孽媒掛枯眼於東門兮見句卒之飛來忠惓惓而不  
見察方子何困乎此歎信其言之不誣方麋鹿遊於  
荒臺所冀君子之道方能引退而遠災不能見幾而  
作方徒憤怒其何爲哉望潮頭而一吊方歎壯魄而  
寓余哀

右吊伍子胥

天何佑趙方趙孟爲俠有何罪惡兮智氏添頭世無  
聶政兮誰適與謀不義而富方余無所求蒙國士之



厚遇方肯反面而事讐所不共於戴天方志專專其  
未休癩身吞炭方行乞道周伏橋塗廁方若螳螂之  
拒輶撫腰間之七首方獨感慨而悲謳冀萬一之獲  
復方孰知余力之不侔三踴躍而斬裾方庶雪憤而  
舒憂不忘在溝壑方志士所由苟余誠之有缺方寧  
不有愧於前脩人情反覆方朝臣暮仇有如先生方  
邈難與儔使後世二心之人方咸泚頰而含羞右吊豫讓  
秦王按劍方隘區寰從變為橫方六王孱幽燕故邦  
兮小彈丸虎狼貪肉方不忘餐輕謀淺慮方太子丹



舞陽小豎方何痴頑惟我荆卿方壯心肝一言唯諾  
方不辭難易水風急方驚波瀾離歌掩泣方雜哀彈  
千里西行方八函關君門如天方九賓班按圖奉進  
方先赧顏七首忽發方光芒寒絕袖未及方空蹢躅  
壯士一去方不復還父子相屠方召社殘所可言之  
方鼻辛酸方吊荆卿

天不可必方天不辨其賢愚賢者擯而愚者庸方何  
天道之多誣偉哉洛陽之才子方真一代之醇儒彼  
治安之爲策方實經濟之嘉謨皇攬揆余之中情方



乃色笑之溫俞蒙嘉獎而九遷方仰潤色乎皇圖何  
佞口之爲巧方搆貝錦而爲諛使廊廟之大器方竟  
坎軻於窮途處長沙之卑濕方傷鵬鳥之止隅紛羣  
龍兮滿朝競誇詡於紫朱夫何子之博謔兮曾不如  
撲楸之小夫求善價而莫售兮從懷瑾而握瑜亦惟  
子命之賤薄其於絳灌方何誅文詞膾炙乎衆口兮  
非他人之支吾所言重於金石方爲後人之範模寡  
寡數千載之下兮增志士之嗟吁右吊賈誼  
我生之初世道淳我生之後逢此不辰皇天之不純



命兮何嘿亡而不仁君非其君兮臣非其臣邦國日  
以殄瘁兮乃剝喪于賢人虎豹咆哮而莫制兮盧狗  
又從而猜亡炎鳳鳥而烹鸞兮躡駟虞而屠麟顧飛  
走之無計兮忽學尉之嬰身冀一網而打盡兮不遺  
微物之毛鱗寧暴骨而萎絕兮不忍和光而同塵義  
或有重於死兮不憚載胥而沈淪爭務尚其節義兮  
意氣薄乎秋旻身雖沒而磨涅兮名萬古而愈新後  
世猶可追想而慨歎兮况當世之人民何靈脩之不  
察兮亦時運之孔屯爲予一慟兮黯然傷神

右吊黨錮



天胡生此巨猾方毒浩浩而無涯作牝鷄之鳴晨方  
踐翬翟於女媧穢宸極而聚麀方探六郎之蓮花六  
尺之孤何托方燕啄々乎皇家五俊傑之蓋臣方咸  
侑儻而脩姱忠誠之既內激方信中心之可嘉袒周  
勃之左肩方迎代邸之鑾車使仙李之本根方復燁  
郁而敷葩何前車之不戒兮嫪毐汚乎艾撥安知井  
底之蛙方翻作騰天之蛇非其類而不盡鋤方蔓難  
圖於萌芽增茅土之何益方竟委骨於荒遐善何緣  
而顯戮方惡無徵而紛華何酬功之未終兮反罪罟



之我加縱蹭蹬其何怨方亦時運之舛差使後人之  
披縹帙者莫不爲子而傷嗟

右弔五王

風雨萃屋方棟宇頽傾擗風擺海方波瀾益驚自開  
元變爲天寶方寰宇失其昇平夫何祿兒之跋扈方  
盜弄潢池之兵神龍失水而離居方豺狼據乎兩京  
偉張許之卓犖方藹蒲腹之忠誠控江淮之上流方  
嬰睢陽之孤城諒呼救而無聞方恨援寡而勢輕抗  
方張之寇盜方鯁喉牙而使不得南行拜聖像而流  
涕方會羸瘁而踰盟食所愛而愈厲方守尺寸而猶



貞寧力不足而自斃方余何忍屈節而隳名胡老天  
之不助方檻車竟赴乎虜營人固有一死方所貴取  
義而舍生嗟九原之不可作方但見雙廟之崢嶸真  
荔丹與蕉黃方孰不企千載之英聲

古吊張巡

我思白也亦仙之曹粲長庚之下垂方鍾絕代之英  
豪文章之美無度方五花生於彩毫續千篇與萬篇  
方續餘韻乎風騷若長風之奮發方鼓萬竅之呼號  
典金龜於市上方醉一斛之春醪忽蒙天之促召方  
亂雙眼之雲飄泉灑面而始覺方猶餘興之陶陶作



清平之雅章方若巨繭之抽絲動天顏之一笑兮賜  
雲霞之錦袍何蒼蠅之點玉方遂遠竄乎逢蒿望金  
鷄之不回方掉采石之蘭橈醉愛一片之金餅方隱  
萬頃之蒼濤手弄之而不已方奄騎鯨而遊遨抱奇  
才而莫施方恨當時魚水之難遭歎斯人之邈遠方  
所見者惟紙上之風謠

右吊李白

世有作忠以罹患方曾不知其所爲仰懷將軍之英  
傑方諒委質之非時天地方易位民物方瘡痍殿宇  
方楔揄冠冕方狐狸翠華愴其北狩方極呼籲而難



追况九廟之失守方悲鍾簴之已移恒枕戈而發誓  
分指蒼天以爲期人皆扼腕而思奮方義士紛以交  
馳庶中原之可復方散妖氛於邊陲夫何和議之一  
騰方譏口從而構之指犬豕而使之拜方童稚猶懷  
忸怩豈以堂堂之大朝方奉繒帛而自卑姦何爲而  
可長方忠何辜而見羈若中流而棄舫方若當路而  
繫驥夫何至於此極方自古如斯死得其義兮余又  
何悲

右忠岳鄂王

爲士當盡其美爲臣當盡其忠凜忠義之志磨方惟



有文山信國公天不助乎我宋兮屬猪之業將終金  
氛既已染乎河洛兮蒙騎又何充斥乎西東挑虫變  
爲飛鳥兮拚大翼於長空混六合以左衽兮誰知烏  
之雌雄黃屋飄亡兮何許鼠爲虎而魚爲龍保崖山  
一片之地方聚鰲鱣而爲宮欲收餘燼兮猶欲背城  
借一而成功天之所廢不可支兮余何去而何從噫  
六歌之已闕兮望南極而忡々白日掩其無光兮不  
照余之丹衷孔成仁而孟取義兮常佩服於心胸顧  
內植之已固兮甘就死而從容死有輕於鴻毛兮名



萬古而無窮至今華與夷方敬仰高風

右弔文文山

次歸去來辭

歸去來方桑梓故鄉何日歸狼跋尾而自苦鳬短脰  
而自悲貝錦城而莫遏駟舌吐而難追武老年而悔  
過遽五十而知非槐鷄鷄之朝冠襲薜荔之秋衣將  
誅茅而卜筭構一字於翠微如鳥斯舉如鹿斯奔言  
策余馬言歸衡門山川猶昨故老無存爰取芳醪乃  
酌醪樽詠考槃而在欄居陋巷而希顏蝸守殼而自  
衛蚊棲睫而常安納清風於簾戶邀素月於松關激



冲襟而宇宙慕達士之大觀嘯烟雲而歛吸追魚鳥  
而往還躬內省而自得寓至靜於鯁桓歸去來兮意  
浩蕩而遠遊展鯤鵬之壯圖何蜩蟬之足求聞天籟  
之夜動據枯梧而忘憂鳴鳩催我以風駕問春光於  
綠疇山乘蠟屐水弄扁舟謝逋客之俗駕甘死孤之  
者丘醉踞石於林麓清濯纓於溪流知天命而自樂  
葆吾身之真休已矣乎少壯榮華非昔時不如隨意  
而遲留胡爲乎亡羊無所之勲名儻來寄雲路鮑難  
期依菟裘而偃仰循隴畝而耕耔學農圃之老術誦



甫田之雅詩利肥遯而永終何必從唐生而決疑

瑞鳳辭

寄湖南使曹大虛

夫何丹穴之神雛兮鍾天地之英姿既朱冠之翕赫  
兮又綵羽之參差以九苞而爲德方以六象而爲規  
信王者之佳瑞兮見於書而咏於詩覽德輝而後下  
方必晦跡而須時或在俗而應律方或巢閣而遨嬉  
或蹯仁於虞廷方或雖々而鳴岐當春秋之險幽兮  
夫何德之孔衷爰縹々而高逝方乃增擊而去之遙  
千載而來下方適 當宁之昌期啣瑞圖而奉進方



吐胸中之瓌奇高余冠之岌岌兮長余珮之陸離刷  
余羽於瑤圃兮步余趾於鳳之池蓂莢陰而郁郁兮  
青雲擁而披披鳴高岡之朝陽兮棲梧桐之高枝渴  
飲沆瀣之津兮飢餐竹實之離離聽蕭韶之九成兮  
率百獸而來儀依日月之末光兮荷君子之深知斥  
招凶之訓孤芳笑爭鼠之嚇鵲鸛能言而不能與  
之頡頏兮又何穀乎附炎熱之鷦鷯忽冲霄而遐征  
兮渺湖海之南陽前大鵬使導引兮後飛鸞使奔屬  
鸞鷟聞風而遨遊兮高翱翔而承旗至甄城而弭節



芳歷諸邑之名達依甘棠而憩芳遵原隰而詢諮  
愛嘉卉之冬榮芳紛婀娜而歲蕤見荔丹與蕉黃兮  
涵雨露而繁滋雖信義而非吾土芳亦非子之所宜  
鴈翩翩而飛集芳謀稻梁而鳴悲黃雀啁啾而爭聚  
芳依蓬蒿而呼飢紛紜其衆夥芳百鳥羣以來期  
我思子之被惱芳諒恩斯而勤斯羽脩而何益芳  
音曉而奚爲久汨沒於埃壒兮恐昭質之未虧歲  
忽忽其云暮芳陳余心之傷悲欲寄聲於浮雲芳遇  
風伯而不能持因飛鳥而致辭芳羌倏忽而難追山



川鮑其難越方言不可結而詒歌曰秋風策策草木  
靡方言念之子俾我底方子母久留式遄歸方誓將  
與子步瑤墀兮

六老辭

余悲不及古之人兮恒兀上以窮年非聖訓爲無所  
用其心方頤情志於簡編焚蘭膏而繼晷方據枯梧  
而不眠志專專其靡他方冀尚友乎前賢蔽蔽虞朝  
之文治方與臯夔以周旋擬摘髭乎科第兮攬仙桂  
之芳鮮闔者倚閭闔而排余方竟蹭蹬而莫前玄花



黯以落井兮素髮岷以飄顛人皆孤貉之蒙茸兮余  
獨鶉結而履穿紛亡甲筭之萬鍾兮余獨囊竭而無  
錢烏鳶螻蟻之不足慮兮甘丘壑之棄捐長下帷而  
不出兮保陋巷而怡然早知儒冠之誤身兮寧抱耒  
而力田揣吾分而自守兮又誰咎而誰愆平咸不可  
問方吾將任吉凶於蒼天

右老儒

秋風起兮白雲飛塞草荒兮胡馬肥驕憑陵兮超沙  
漠將軍唾掌兮金戈揮車載兮短兵躬擐兮鐵衣令  
左右而驅進方一箭穿乎重圍馘賢王與谷蠡方奏



凱獻于彤闈印累<sub>口</sub>而綬若若為衆皆慕余之光輝  
何時運之舛錯兮未免蹈夫危機使騰空之逆足兮  
共轆駒而馬鞿既不能拔城上之蜚弧兮先三軍而  
發威又不能登燕然而勒石兮頌盛德之巍巍欲據  
鞍而鑢鑠兮心與事其相違脾生肉而不消兮顧初  
心而自非吾豈不惜夫軀命兮痛名位之卑微人皆  
擁旄而制閫兮吾獨困乎此歎命也吾未如之何兮  
吾將任世人之嘲譏

右老將

天門高兮洞開青雲擁兮芳塵朱紫雜還而後先兮



爛誇詡乎要津路傍拜揖之紛紜兮賓從翼乎朱輪  
人皆競進而求索兮名聲著而日新何余生之菲薄  
兮遭時命之孔屯黃楊厄閏而漸退兮涸鮒守轍而  
摧鱗昔簡兮之仕伶兮思西方之美人馮唐老於郎  
署兮窮白首而傷神汲長孺之忠讜兮猶感歎乎積  
薪杜少陵之後才兮猶徒步而艱辛先哲尚或如此  
方況我坎壈之纏身進呼籲而欲白兮上嘿云而莫  
余親功名不侔乎枘鑿兮君門邈阻乎越秦百所思  
而不遂兮誰記余之忠純孤草扎根乎窮崖兮使終



不得見乎陽春

古老宦

我哀商賈兮惟利是謀以利易生兮不知其尤登隴  
斷而左右望兮析毫毛而貪求家長金而積玉兮棄  
擲踰乎崇丘紛花朝與月夕兮爭作隊而朋遊邀佳  
人以狎坐兮日沉醑而無憂富熏天而不知足兮汨  
往徂乎南海之陬凌驚濤而出沒兮隨所利而移舟  
付性命於蛟鱷兮猶攬取而不知休天不臧其所爲  
兮忽利盡於難收殫力憊而不支兮形神苦而獨留  
反餬口而旅寓兮風霜穿乎敝裘想前日繁華之不



可再得方若芻狗之拋道周昔何功而榮歡方今何  
罪而憂愁自古驟富而驟驕兮畢竟頭上生戈矛老

商

東風來兮百物春花已落方春不在園禽上下兮弄  
新吭獨坐無聊兮悲且慨自余之始加笄兮義婉孌  
而多態剪霞絹而爲衣兮貫明月而爲佩人皆慕余  
之韶艷方胡然覩天之妹援雅琴而發謳兮恍珠聯  
而玉碎爭割錦而纏頭兮飛鳥依人而憐愛曾日月  
之幾何方朱顏忽以凋廢何昔日之茵桂方今直爲



山蕭艾葑下體而無庸兮  
蹇誰采而誰刈我欲薰其  
衣裳人皆謂之糞穢我欲盛其容飾人皆謂之土塊  
燈花落而明滅兮風雨淒其陰晦空巷聞其無人兮  
亦不聞其抱吹安得起相如於九原兮賦長門而弭  
我心痠右老妓

夫何渥洼之神駿兮聳筋骨之權奇耳批竹而如削  
方毛連錢而參差窮萬里而汗血兮雖造父猶難羈  
東馳至于瀚海兮西又躒天崦嵫導子晉於緱嶺兮  
訪王母乎瑤池擅名於十二閑之中兮人皆駭我之



雄姿歲月忽其流邁兮盛既高而力衰駕鼓車而驅  
迫兮勢玄黃其何之與驚鳥而並首兮伏槽櫪而摧  
萎想舊日之遊歷兮張奇技之難施輿隸嘲哂而相  
侮兮肯識者之嗟咨葛藟尚不可得兮每酸嘶而呼  
飢我告于汝方其勿傷悲儻精神之不泯兮會變化  
之有時吾知爾之爲龍兮追風逐雷之可期

古老馬

瞻雲辭

瞻彼白雲兮南山峯層寸而合兮上承其空來無期  
兮其去無蹤晦冥變化兮誰司其功我常樂其無心



芳相對蕩胸怡然弘景芳心與我同

採芳辭

春風開芳衆芳非我往尋之芳水漸裳衣褰笑答芳  
中洲擷杜若兮河湄采采盈掬芳倚以遺夫所思所  
思不來芳吹參差而心悲

虛白堂文集卷之二



虛白堂文集卷之三

男 世昌 編輯

記

翠筠軒記

余幼時嘗讀雪堂詩怪其言之大徑庭也凡人無肉則不飽不飽則不肥不肥則氣漸疲背終至於死矣而乃曰可使食無肉不可居無竹是則養生之葛藟反不如目前之戲翫也迨余年已老多涉世故然後知古人之論不可及也人皆知養口腹為可以得生



而不知養心志以保其身心苟俗而志苟鄙矣則雖  
生而無益於世此雪堂所以愛竹之意也非徒雪堂  
古今達人莫不皆然然則竹何裨於人耶扶疎蕭散  
則君子取之以脫塵垢心虛節直則君子取之坦懷  
而無容私貫冬夏獨也青則君子取之守介操而不  
變至如烟消霜葉節金戛玉凡可以悅耳目情心慮  
者非一則不可一日無此君也固矣我從叔子正氏  
居清州元佐山下開軒種竹以翠筠名之日偃息其  
間翛然若遺外聲利而不知厭雖才名與雪堂不同



其心志則未嘗有異也如中州富人家出則冒暑  
兩遵隴畝八則執牙籌計財穀孜孜爲利死而後已  
是皆養其小者且見笑於養其大者也余曩奉使命  
過州境望叔第於斷麓之間而駟騎催急未得往今  
者又以諛材八侍臺坡與雲林炯樹相違則雖欲坐  
叔之軒者叔之竹其可得乎然余與叔同桑谷後裔  
也見其清儀難以文拙辭僅綴蕪語而告之

光州客舍東軒記

州郡之有館舍所以待衆賓庇羣旅也館有東西軒



東是賢者所寓而觀察使聽訟之所則牙節建焉案牘委焉人吏率焉必壯其簾陛使人儼然瞻望而畏之也使華賓客宴飲之地則張歌管羅樽壘上可以容揖讓周旋下可以容進退步武其堂宇不得不宏敞也是故莅政者不費民力而經營板築之得其宜不善者畏首畏尾任其僻陋不能改一尾易一棖而州郡日亦廢矣今薛公循祖以僉樞出爲州牧崔君榮爲之佐政平訟理時和歲豐物之疵癘者得均煦人之凋瘵者得蘇息百廢俱興四野無虞遂相與謀



曰光之於道爲大邑冠蓋之絡繹人物之殷富與羅  
全二州相甲乙然東軒規模狹隘歲久頽圯盍改營  
而重新之於是不日而告成極宏敞壯麗雖賓旅叢  
集之際人各得其所寓雖炎蒸困瘁之時客至忘沉  
鬱之懷於是崔君遂飛書請記於余余則出於州金  
氏之後於光烏得無情每欲覽山川之勝追想厥祖  
根本之地而足跡不得涉湖南迄今昵倚經帷卯酉  
講論之無暇而髮已種種矣雖欲把一盃陪使君揖  
讓酬酌於軒中退與父老頌龔黃之德飲飲歌詠而



長言之不可得矣則不得不標毫敘事以寓南望之意云耳

掌樂院題名記

人不可不知樂也不知樂則湮鬱閉塞而無以宣其氣國不可一日無樂也無樂則愆懋鄙俚而無以致其和是故先王立樂之方設樂之官因人心之所同而有所感發懲創焉於是謳謠歌詠以發之鍾鼓管簫以寓之聲曲音律以正之疾徐綴調以節之用之朝廷則上下懌用之郊廟則鬼神感用之閭門用之



鄉黨悉皆歆歆奮揚鼓舞文明而轉移風俗矣音后  
夔典樂以興唐虞之治周禮大司樂掌成均之法以  
教國子又以六律五聲八音合樂致鬼神諧萬民安  
賓客悅遠人秦漢之間樂官不一有太樂署鼓吹署  
其事則令丞協律郎主之唐宋以後官制大備然儀  
文繁縟而斷喪太古之元氣矣新羅高麗代各有樂  
然所傳者皆民間男女相悅之詞或流蕩而哇噓或  
哀怨而悲咤興乘濮鄭衛無以異卒至叔季君臣荒  
淫而喪其國也我世宗大王噴前代之委靡思復



古樂以雅樂屬太常寺設慣習都監教鄉唐之樂以  
孟忠誠朴堧等相繼爲提調以委制作之任所謂雅  
樂者祭祀正樂之歌唐者朝會明廷之樂鄉者本朝  
國俗之音也樂雖不同而其五音六律旋相爲宮上  
下損益之制則無不同豈有笙竽塤箎獨便於雅而  
不便於鄉唐苟或曰聲以合之因曲以成之則三樂  
無不通焉 世祖大王知其然故以三樂合于一司  
名曰掌樂署置掌樂一人別提一人然事鉅而貪少  
未享其制其後改爲掌樂院真正一人其下副正僉



正判官主簿直長隨時而只置三人總四員焉爲提  
調者非一其終始專業者中樞鄭公沉也官無定處  
初寓太寺後居太常之樂學湫隘不能容今上特  
命移於太常之東數十步徹民家數落大開官府於  
是堂上郎廳上下截然雅俗師生伶伎數千人各有  
攸處遂建廨宇以藏樂器又敞東西大庭以爲正至  
朝賀百官隸儀之所加置兼官隸其業實官治其事  
余以不材亦與其選以臺坡近侍出入梨園者幾十  
年矣顧念學術鹵莽所習者土苴耳糟粕耳不能知



樂之本原其骸賁大聖人制作之盛今又喉舌銀臺  
所掌亦禮樂之事想當時舊遊之地見當時僚案之  
吏工能不拳仁乎諸君以余院中舊物屬余以作文  
畧叙首尾而歸之庚子臘月石丞旨成某記

兔山縣茅亭記

縣僻邑也環邑皆層巒疊嶽也邑之鎮曰兔峯也其  
南曰丈竊也凌嶺嶠崕斗起於朔寧之境者浮鴨也  
蒼龍蒼翠迤邐於安峽之間者佛籠也白虹蜿蜒環  
抱林麓而過者曰東大江也地入於三道絕徼之間



清淑之氣輪囷磅礴蓄而未洩故其山水清奇也其  
民俗淳朴也於俗淳景勝之地又值賢太守左可樂  
也今太守林君謹君子人也材足以任事德足以懷  
人而威足以懷吏也涖邑三年祛弊補缺政通人和  
不勞餘力而一邑無事雖子賤之不下堂汲黯之卧  
治不能過也余與金子京因餽口到縣客舍後岡新  
構小亭撐以四柱蓋以茅茨不侈不陋其中僅容數  
人也太守邀登亭上而謂之曰兩君皆吾蓮榜友也  
鹽齏同苦二十年故人而相遇於千里之外者何其



幸也值君之來而吾亭適成若有所待是不可不名  
亭以留之也余於是徘徊四望把酒長吟既已酷探  
勝趣又重太守之請而記之曰今年大凶歉也或以  
耳聞或以目覩百萬億蒼生失業嗷々流離四散瓦  
填溝壑者不知幾千人也今涉縣境則風雨順而霜  
露時也禾麻菽麥與二旆而五穀熟也烟火四境  
籬落妥帖門無刁斗之警路罕吠狔之聲而盜賊息  
也家家之積如茨如梁為酒為醴邀呼閭里痛飲濡  
首而歌嘯鳴使斯民含哺鼓腹而得遂其業者皆太



守之賜也蒙太守之賜者近則黎民安堵而牧寧遠  
則襁負妻子而來相屬也大抵任字牧之寄者皆如  
吾太守則其康裕愷樂不偏在一隅而雍熙泰和之  
治不難致也請名之曰康樂也

記江陵原州風俗

大抵人情在瘠土而勤處沃壤而逸魏俗儉嗇燕趙  
多剛毅果敢之士以其地連邊塞山高水駛故人性  
皆堅忍質直務本而不趨於末也鄭衛淫靡齊俗奢  
侈夸詐江東之人懦弱無  
之志以其山舒水緩



地濱海徼故人性急情委墾不務本而銜末利者甚多是皆曰地之性而人之性從而異也關東六邑惟江陵原州而兩邑之間道途不甚遠風俗有大相遠原州之人自始生之日其父母先給斗粟爲財穀之本年年取息視一稔之微如萬金之重侵曉立田墾之間催耕督耘無休息之時天黑乃還隣里不相聚飲其於媒婚之際亦曰某人結網驅魚是不可也某人登山逐雉是不可也必擇勤儉吝嗇之人而納之一有放浪之跡則不得齒於鄉黨故邑中多高墻大



屋而無貧窶之人也江陵則不然自離襁褓先事逸  
豫鮮衣姣服侈美相驕家家張帷貸富人之粟而備  
遊宴之資携觴挈榼無日不醉或由是有鄉俗月朝  
之評雖當農時亦不務穡事晚食而往日晏而還曰  
蚊蟲噬膚不可留也酷暑爍背不堪苦也故良家世  
族布列邑中而無富實之人也余嘗求其故而未得  
至履其地然後始知山川之氣有以變人之性也原  
州在山壑之間田疇硤确而不毛無竒山秀水可遊  
之地江陵在東海之隣田疇平行如松亭鏡浦神仙



所遊之處奇觀勝蹟甲於天下由是觀之在瘠土而  
勤處沃壤而逆人之情也然人性非惡無不可變之  
人俗無美惡無不可變之俗苟在上之人行忠恕之  
教躬率而移易之雖蠻貊遠邦亦將於變而從化矣  
况原之鄙畜江之奢侈乎

襄陽府毀亭記

嶺東九邑惟府爲最鉅人物阜蕃財穀優贍故前此  
按節者多留焉余始來八城則客舍在林麓而軒楹  
又面岡低隘下陋無以宣壹鬱之懷步至岡頭則大



對晴蔭數畝西北可張帳東南俯瞰平郊數十里清  
川練回籬落櫛密余樂其怡廣但以無庇雨之所爲  
恨有小吏進曰舊有亭翬飛於樹林之間而賓客觴  
詠者必於是焉頃曰卜者之說曰此岡乃邑之龍腰  
龍腰有亭故龍怒而風之發作無節無亭則風止矣  
其時邑宰因方伯之命而毀之其後不復建也余聞  
而歎之曰風水之說昉於何代乎古昔聖賢所不道  
而後世庸儒造為穿鑿不經之說耳然其書不過因  
地之陰陽而卜人之休咎未聞風之止作繫亭之有



無也謹按爾雅暴風從上下曰飀從下上曰飀涼風  
曰飀猛風曰飀陰而風曰曠回而風曰羊角嶺嶠之  
間夏有雄風曰颶母黃梅時二旬風不止曰舶鯨然  
則風之類不一而其族亦不一此皆偶然而動豈大  
塊有心而噓之乎周禮大司徒以土圭測日之法云  
日東景夕多陰日西景朝多風而海上尤爲甚蓋海  
洋浩漾之間因氣乘陵而起無所洩盡故調調刁刁  
終日呼號而不已也今府東臨大海西控大嶺幽隧  
之口故或從隧而東或捲海而西勢所必然豈可以



風之止作繫亭之有無也歟如卜者之說則周成王  
時天大風禾盡偃六木斯拔春秋魯僖公六年六鷁  
退飛過宋都項羽圍漢祖於滎陽風起西北揚沙石  
晝晦唐昭宗天復二年大風拔屋巨木飛舞此豈搆  
亭而致歟楚靈王築章臺臺秦始皇作阿房宮漢武  
帝搆長楊五柞宮陳後主隋煬帝大起宮闕於江南  
此皆窮極土木剝山脉而剝民髓是何天不戢風而  
示警歟然則天本無心而風亦無心從靜中而起向  
靜中而滅非有休咎吉凶在其間也府自毀亭之後



猶不能遏或飛瓦或拔樹或傷禾稼至于今不已是何亭毀而風不止歟甚矣人之易惑而難解也於是吏不能答遂以爲記

肅寧館東軒記

癸卯夏太監鄭同金興欽差到本國覲以右承旨宣慰兩使于定州道經肅川寓肅寧館府使金君嗣源來訪覲謂府使曰大同一路皆中朝使華所經之地而此館傾圯不可容蓋改而新之府使曰僕之有志於此久矣顧未有朝旨難以發丁調役竣事到京



上問供饋支待諸事倪啓曰路上供頓無有欠缺但  
肅寧館歲久不理房軒皆用木以支以臣所覩記非  
徒有損國體恐有壓墜之虞 傳曰卿言甚當但慮  
殘弊之邑何以興辦土木倪啓曰肅川人物殷顯財  
穀贍足比他邑爲優今府使金嗣源有材局可委任  
而責成之 上允之即馳書于觀察使速令脩構於  
是監司稟朝廷之命府使承監司之令鳩財僦功不  
閱月而告畢乙巳夏金君秩滿朝廷揀選有純謹吏  
材者以掌樂院正尹君龜山代之倪以千秋進賀使



赴京見館之覺棟跋翼簷楹飛舞軒陛弘敞房櫳麗  
密其規模視前昔萬倍左右廊廡方毀未修聚游手  
數十人刀鋸聲不絕尹君進曰金君遺大艱于僕僕  
不敏其何以卒前功此僕頷上而未休者也俱答曰  
大抵今之任字牧者類多歸爲希譽忘公徇私常詭  
於人曰我所職則曰田野闢也辭訟簡也而不可勞  
民役衆也棟宇顛仆則曰修之恐材費也庭陰蕪穢  
則曰治之恐殫力也是晨夜營營而謀爲者皆潤屋之  
私而非保民之計視傳舍如胡越之肥瘠不曾改攔



易稱風雨推之鳥鼠耗之而客至無所寓是則國之  
蟻而民之蠹也今肅累得賢宰金君經始於前而君  
繼之於後邑人之誦遺愛者皆以召父杜母擬議而  
稱羨之不其偉歟君曰不穀於是開樽設酌遂書首  
末以為記乙巳季秋十九日嘉善大夫同知中樞府  
事成倪書

黃正明農亭記

謹按輿地志長白山之脈迤邐南蟠過東界數百里  
至江原道崢嶸盤據為大嶺嶠肢分股別作東西佳



鹿之區者無穀而春州之野爲關西最其鎮山曰鳳  
嶽州之北郊又有穹窿延袤者曰牛頭有二大河其  
一曰昭陽江出自麟蹄抱牛頭觸鳳嶽北趾而下其  
一曰毋津出自狼川背牛頭之西流入昭陽焉雨水  
之間峭然獨聳而奇怪者曰玉山余嘗攬轡過其下  
而望林谷多穴屋有亭翼然在其傍問諸郵吏則曰  
此黃氏之墅而作宰南方矣余樂其山谿之勝意欲  
一登縱目而不可得寘于懷者至于今不已歲丙午  
余爲關西巡問使駐節箕子之墟黃氏亦遽南任擢



拜濟用監正受敬差之命而來涖田事團藥邂逅於  
盃酒間者非一日一日黃氏就前附耳語曰春州明  
農亭吾所目覩願得文以俟後日之觀者余曰予之  
言謬矣明農豈予之意乎昔者周公有歸老之志告  
成王曰茲予其明農哉王曰公功斐迪篤公無困哉  
夫周公作柱周室以求賢任能爲已任吐哺握髮猶  
恐不及何暇舍國事而務穡事哉其所言者蓋明其  
忠赤而不以去位爲嫌也今子又承  睿眷超躋膺  
秩饗匪躬將有斐迪之功子雖欲退休而明農朝



廷豈舍子哉子之所言亦托以喻志耳思欲陟降臺  
榭以保先人之家業思欲循行墟墓以想先人之音  
容思會宗族以敦友愛思聚鄉里以叙契濶此子之  
本志而於忠孝兩全而無廢者也彼世人之貪榮竊  
祿患得患失者誠子之罪人也黃氏謝曰君之言是  
也君之文富也感恩則有之矣請更受詩於是系書  
二首而歸之詩曰

小亭孤絕枕平湖夾岸青山似覆盂  
泉土肥甘盤谷路烟林暗澹輞川圖  
芊緜翠霧秧針秀穠稭黃雲稻



穗敷欲遂明農歸隱計鷄庭朱紫苦相紆  
貉國山川地取靈英豪才子有寧馨蒲鞭愷悌宣治  
化繡斧輝煌作使星窈窕雙娥歌且舞留連百榼醉  
還醒他年若憶今時事點檢吾詩挂此亭

定州新安館定遠樓記

惟王建國經野設官分職量地之遠近而置邑焉大  
則州鎮小則郡縣皆所以維持統攝而鞏衛邦家也  
大寧江之北惟定為鉅州治在海上土壤之膏魚鹽  
之利民賴以給比他邑為饒成化丙戌移州于隨川



地廣境闊人物增顯直當邊邀大道之傍每歲赴京  
之使成邊之卒冠蓋往來輶駟旁午若值中朝使命  
到國 殿下別遣承旨一人宣慰于茲常惠館宇狹  
而人無所容今牧使洪君貞老判官宋君琚相與謀  
乃當州之門新起大樓前臨大途肥楹宏棟輪焉奐  
焉始稱於大雄藩也射帙於斯運籌於斯宴使華於  
斯觀穡事於斯非徒以酒食餅羅言語嘲謔而已也  
武靈柳公名以定遠而屬余記之今天下大明冲空  
車書混同我 殿下承天子之命事大之誠內修文



德外攘夷虜烽燧絕警擄航接踵民皆熙仁皞々安  
于衽席之上不務揚兵而殊方畢服不勞定遠而邊  
圉底定逢太平之世作太平之人把酒登覽于斯豈  
不幸歟成化丁未秋七月下瀚觀察使成侃記

浮碧樓記

都之有樓臺古也以都邑之盛而無觀覽之所則無  
以慰賓旅而宣湮鬱之懷西都之勝甲海東而樓之  
勝又甲於西都出城數里錦繡山牧丹峯之下因崖  
竅構樓以遊而名之曰浮碧謂其仰憑峯巒俯挹江



瀨山光水色嫩碧相映而浮動於空明中也峯斷成  
崖翠壁崢嶸奇巖巒巒支股輳焉而南蟠長城雉堞  
隱現於雲林叢薄之間澄江一帶觸樓之下燕尾分  
爲二派其中可居洲曰綾羅島未數里復合爲一溶  
漾演迤如白虹蜿蜒抱長城而流南通碧海潮汐往  
來此樓得山谿之勝也近則平沙斷岸籬落縱橫楊  
柳連堤桑柘蔭徑與夫風帆雨楫沙禽水鳥下上而  
浮沈者皆出乎履舄之下遠則平郊緬邐田疇綺錯  
茂林豐草一望無際遙岑羣岫如下如髻點點脩姱



半露雲表者皆在乎衽席之內凡地之遠近高下壯  
大宏廓可喜可翫環樓之東南者悉莫逃於眼界至  
如抃花賴駁樹陰綵縹天高月白霜雪縞積而四時  
之景不同雲烟開歛日月出沒晦明變化光彩絢爛  
而朝暮之景不一探之無窮而討之不厭雖有智者  
不能窮其狀也或飲者呼呶歌者激裂吟者愁苦射  
者揖讓留連彷徨徙倚而不能去雖古今豪傑所遇  
之樂不同而得之於目寓之於心者亦各適其適也  
余嘗三赴京師再為宣慰使凡五過城中而登陟茲



樓亦非一也歲乙巳又以千秋進賀使到此時監司  
朴公樾庠尹安君璿判官鄭君叔墩來迓舟中仰指  
樓崖執盞謂余言曰高句麗三壤皆大邑而惟此平  
壤爲最阜檀君之所起東明之所居九梯宮之基卽  
今之永明寺崑崙深而獐馬不返石出江心而朝天  
馬跡如騫青雲白雲東西有橋而仙馭之遊已遠其  
神蹤誕蹟恍惚難信箕子以九疇之學設八條之教  
人知禮義俗尚敬讓流風遺韻猶有存者高麗置爲  
西京以備巡幸五百年文物之縟至于今不替世



廟來巡駐蹕登御設科取士親揮膚藻炳々琅々耀  
人耳目者垂後世而不刊然則都邑之雄城郭之壯  
閭閻之殷非如羅濟之遺墟也每歲赴京大臣與夫  
中華之士往來而不絕必登此樓樓久不葺棟宇將  
頽擬欲改營而侈美之於君意何如明年丙午朴公  
見述而余來代之因朴公規模鳩財僱工閱數月而  
告成又作長廡數間以翼其下郎僚有室庖湏有處  
樓之制作極壯無比於是因客之至大張絲竹而落  
之遂書形勝事蹟而鋪叙之丁未仲秋觀察使成俔



記

虛白堂文集卷之三



虛白堂文集卷之四

男世昌編輯

記

挹翠堂記

己酉之秋八月既生魄如晦氏昆季邀余遊於江之  
臬是日儼裝偕來弋鳬於密池之岸待酒於南渡之  
頭招招舟子順流以下至甕林之岡而登所謂挹翠  
堂者長江演迤乎前羣山環拱乎外其江山奧區雄  
偉絕勝之狀呈奇露異烟霏雲歛陽舒陰合朝暮變



化無窮而樂亦與之無窮然後知茲堂之勝雖岳陽  
洞庭無能出其右也徘徊臨眺倚柱興懷津人遮網  
漁子輸魚敷薦散坐絃者彈而歌者咽如晦氏執盞  
言曰緣江而亭者非一而茲堂爲最先君始得之構  
樓亭未幾改爲堂宇將晚歲優遊從魚鳥之樂而巾  
寫遽遺今余適追先志欲圖斯堂於不朽非托於文  
字不可能也願借一言以垂于後於是遂從其意而  
叙之曰堂以挹翠名何居環堂樹木數十株枝葉婀娜  
鄰歲蕤峯鬱仰混天碧俯挹江瀕清光綵影相與倒



映於潭心則堂之名以此也堂之勝無盡而可指名者十有二焉其一曰花岡置酒岡之高千尺穹窿陡絕崗頭有堂雜花爛開紅白相糅風吹擺落萬片飄泛江流客來置酒與之對酌不知日車之側也其二曰柳磯垂釣崗之前涯暨盧家之灣楊柳垂蔭其間多巖磯可釣之處岸巾散髮弄竹竿於清冷之中自無紅塵之累也其三曰東渡喚酒溯江而上七八里即是靈梁大渡鞭馬驅牛南北往來者輒々如蟻斜陽浸水而喚舟爭渡之聲不絕也其四曰南山採薇



南望冠岳三藐諸山嶒嶸蔽空其下林壑深邃溪流  
瀉磴春深薇蕨迸長香美可茹江湖之外別有山林  
之趣也其五曰前灘鷗鷺堂前江流迅急春冰先圻  
若鷗若鷺若鳬若鴈浮波唼藻刷羽弄影與人忘機  
而自樂其樂也其六曰草岸牛羊江水分沅之間有  
大島自島連岸綠草彌望牛羊萬隊晚食鋪地依阿  
寢訛牧豎麾之以肱而下來無復者也其七曰栗島  
櫟柘大島之東北又有島櫟柘連亘數里翠葉紛敷  
晴嵐涵映伐揚擷葉者相聚成羣可知蠶績之有成



也其八曰西湖帆檣西望數十里楊花蠶嶺之間江  
流溶漾峯斷如峽舩舷蔽水帆腹飽風至于西湖之  
上倉廩雲連人家櫛比檣竿如簇而仰蔽雲日也其  
九曰沙洲步月堂前水中之洲平沙數里白色如雪  
與二三同友携酒佩壺步月而行隨意隨酌不怕霜  
露之砭肌骨也其十曰北嶽晴雲北望京都則城郭  
出沒於青烟渺靄之間華嶽鬱葱雲氣觸石而起白  
衣蒼狗變化不一或罩層峯或浮太空朝夕對之可  
怡悅也其十一曰龍山漁火遠見江之南岸丘陵如



伏獬閭闔纏撻內外灣瀨之間火光點點如星斗拱  
霄漢皆村人漁子所持而擲魚者也其十二曰陶竈  
暮烟環堂數十落皆以埏埴為業綠岡作竈斫木疊  
岸每夕青烟飛起橫帶江面雖有善畫者不能描寫  
其形也大抵享軒冕之榮者無江湖之趣有繁華之  
事者無蕭散之態得於此而失於彼志乎小而遺乎  
大也今子捷高科著文名深遇聖上之知躡履臺  
坡其榮耀多矣而又以滄溟烟水為隣時從魚鳥而  
上下焉是則有軒冕江湖之樂而能兩無之者也其



能幹父之蠱謹守堂構而垂裕不失者也若余者浮  
沉宦海二十餘載不知天之勞佚之有機而役役不  
已華髮已種種焉則雖欲從江湖之樂其可得乎洛  
陽園囿甲天下當時騷人豪士借入園囿得一寓目  
播諸賦詠猶能熙鴻誦於後世况予之江臯乎若以  
扁舟屢從吾子得嘯傲於其間則雖非吾有而亦未  
是不爲吾有也

歲寒亭記

客有稱東門子之園林甲國中而亭尤為勝宅之南



隅累土爲榭環植長松松大小凡十有一株千尺之  
高百圍之大似鼻似耳似枅似圈輪者困者回者曲  
者伸者蹙者夭者烏革矯者虬怒輻而屈者猛虎被  
縛穹而窿者青牛化形獐者飲猿垂臂起者飛龍挈  
空昆侖渴鳥直者枉矣白摧朽骨而鱗甲皴黑八大  
陰而雷兩垂是知造物之變化多端雕刻萬狀以遺  
吾子而嬉戲之也不然何等奇怪若是客曰此非造  
物嬉戲之也將使吾子見樹而蓄其德也見偃蹇撓  
空之態則有卓犖不羈之志見盤根錯節之固則有



剖難擊強之志見萬葉沅芳之義則有積善垂裕之  
志請以此意名亭而敷揚之可乎余曰此未足以狀  
松之資而稱吾子之德請以歲寒名之凡物莫不受  
命於天以爲生惟松栢得其正獨也青上貫四時而  
不變則與蒲柳荏苒之質不同人亦何異於是其混  
於物而不離於物者有離於物而超出於物者混於  
物者摸稜而莫能端也離於物出於物者行有崖異  
之謂也崖異之行超卓之資吾子其庶幾乎文以經  
邦武以出羈剛以勝私教以立節國有妍蔽皆欲祛



之民有疾苦皆欲療之謾問闡尊之在朝者皆欲驅  
而出之功高而操愈厲德阜而義惟確知無不言言  
無不盡夷險不渝終始如一此吾子之志而朝廷亦  
以此望吾子也然則歲寒之意子取而名之我爲子  
記之非諛也亦宜也於是呼客取筆遂書以爲記

光山鄉校重修記

歲在商橫黃鍾之月表笄上舍朴以溫采朮光山學  
記曰縣監權君守平粒治以來心勞撫字恩洽凋瘵  
邑之弊者盡祛獄之滯者無留黠吏無所售其術黎



庶安而無不獲其所閭里晏然盜賊不起政和訟息  
簿書罕少每於公務之暇親引儒生談論經學提撕  
誘掖咸得其宜學校舊在城中湫隘頽侈縣監招父  
老而進之先聖之居不稱蓋圖而新之咸曰惟命遂  
卜地於城西二里許庶民駢聞如子趨父事不數月  
而功役告訖先作聖殿以位先師十哲又作東西廡  
自安七十子歷代諸賢前置明倫堂以為講學之所  
又有東西夾室東則教官所坐而西則名曰司馬齋  
邑中上舍生之所寓鍊業又有東西齋即儒生之所



居西齋後有典祀廳東齋後有教官衙室於是神人不  
紊師生有舍堂庫厨漏各有攸處無慮五十餘間  
校前有民田數頃縣監出射買之或治爲水田或爲  
菜圃或爲僕隸之家又以舊校之墟悉屬於學而爲  
田又買民田半八於學半八於司馬齋又以縣布百  
疋租穀百碩充學生之用又以綿布二十疋租穀二  
十碩爲上舍生之所用又備四書五經諸子韻會度  
而藏之以惠後進時監司朴公淑城都事鄭君鐸嘉  
其志出營中綿布四十疋租穀五十碩以助其費由



是文風大振德教益明邑人俊秀采遊其間學則薰  
陶德性行則罄盡誠敬漸仁磨義皆化於善然後光  
之學校比他邑爲盛而人材彬彬然輩出矣先生亦  
光之餘民願記顛末以侈厥美於無窮余惟孔子之  
道至矣哉如天地之覆育而極其大如日月之照臨  
而極其明如河海之深廣而不可測如山岳之高峻  
而不可及亘古今而不變該事物而悉備彞倫賴此  
而叙政教賴此而行尊卑上下賴此而不紊曲言邪  
說賴此而不肆華夏民物賴此而得免於左衽由則



治不由則亂捨此不能一朝居內而京師外而州郡  
縣莫不崇廟而祀之設校而教之豈徒然哉惟我東  
方本是文獻之邦而光為縉紳所出之地又得賢明  
之宰以成鄒魯之化則蜀郡之文翁風斯下矣然則  
為光之民豈不幸哉非惟光民之幸抑朝廷風教之  
一大幸也

南平縣客舍重修記

人主代天理物不能獨理而必賴臣下匡輔之力以  
成其治內則宰相外則守令宰相論道經邦燮理陰



陽守令承流宣化撫字黎氓其職之大小雖殊而其  
關乎邦國之重則一耳今之守令即古之佚牧也於  
吏有君臣之分於民有父母之道苟或愛克厥威則  
姦胥猾吏得以舞文弄法而民不被其澤威克厥愛  
則民情否隔而無所措其手足必也威愛兼著然後  
始不負其任矣其所謂任者何也敦四民之業崇五  
土之利勸課農桑而使民食有餘聽斷獄訟而使民  
冤得伸弭絕寇盜而使民居得寧擊去強宗使人安  
於田里修明學校使人知孝弟忠信之道高館舍豐



餽廩而使賓旅皆有所依歸也其或徇利而忘義瘠  
公而肥私強則剝民之膏弱則受制於吏上下相讐  
疾首蹙額豈朝廷委任之意乎是故擇之審而寄之  
隆嚴立課績黜幽陟明而賞罰之然而貪黷之人寔  
繁而嘉言善政之罕聞可嘆也已南平縣介于光羅  
兩邑之境務叢事劇輪蹄旁午誦爲難治歲戊申之  
夏妻甥李止垌自司饗主簿爲縣倅觀客館隘陋慨  
然喟曰館舍即使華之所寓豈可坐視墊沒而不之  
修豈可勞民力而後爲之歟即報監司李公諱親稟



指揮用材羨餘借力游手工徒全集如子超父事肇  
役於明年己酉春竣功於其年七月規模悉備措寔  
得宜人皆曰棟宇宏壯似使君之偉量門庭敞豁似  
使君之寬裕堦級峻整似使君之嚴毅池沼澄澈似  
使君之清鑑花竹紛敷似使君之馨德夫然後人與  
器始相稱也縣境又多六川民賴灌溉之力編竹作  
柵隨毀隨補功重難支太守曰此豈萬世之利乎遂  
令伐石作堰分流鋪畝農無旱乾人厭饘粥於是政  
之弊者盡祛俗之薄者還厚豪右不肆其暴寇盜皆



歛其跡刁斗絕警閭里晏然人皆知親上死長仰事  
俯育之義雖龔黃之治無以加也邑之父老馳書請  
記於余備述顛末余惟山川勝治沿革事蹟載在輿  
地不必鋪揚而更叙之願頌使君之遺愛而寓箴警  
之意其可乎太守非百里之材而泣彈丸之地正類  
鸞鳳之棲枳棘不能展其才然太守益自勉勵終始  
如一則由縣而郡由郡而府由府而州由州而卿相  
不難矣若以爲邑小而不足為吾治己足而不必更  
慮驕誕矜夸有自蒲之心則非民之所望於太守者



也太守其剋之

忠清道節度使靜海鎮清虛亭記

昌寧曹侯以鉄鉞出涖靜海鎮之明年侔其价沈浩  
然持鎮圖籍來求記於余曰鎮在海義縣之治節度  
使建牙之地永樂丙申自伊山移設于此其始聚縣  
人城之縣地狹民歎力微事鉅僅營南門而東西北  
則皆不如制暨今已七十餘載城門館舍日就頽圯  
莫有脩者侯下車周覽而嘆曰此豈非守者之責乎  
卽具馳啓乃蒙允可於是先作西門四楹其東南北



以次構成壯其南門礮石為扉垂虹為竇其軌可容  
兩車且構亭於後園亂松間名之曰清虛請余記之  
謹按地誌鎮之主嶽曰伽倻山其支股散而東驚斗  
起作巘為大峴為蒙王又有古郭曰大城高丘大川  
抱城而東直折而南流入于海其港口有牛島有天  
生浦其外為安民串又其西有大橋川陽陵都搖山  
攢峯疊嶂環擁三面蔚然蒼翠而禪龕佛宇隱映於  
其間其前則海水淼茫朝潮汐吞舟沒岸舸艦往  
來而塞津此則亭之勝也我聞侯清以莅已虛以待



人以清與虛施之於政故外累不得以汨之軍務之  
暇登斯亭也則松陰鋪地靈籟自發蕭然如入山林  
逸人之居而忘其塵囂之雜日與僚友嘯咏於斯射  
讓於斯不知日之夕也亭非爲游觀而設其與裨謨  
謀野德裕籌邊之意相類歟噫佚以文武之才遇知  
於聖明之世自經幄近臣出按數鎮皆未瓜而遽  
輒蒙超擢今以僉樞又殿南陲措置得宜樞機周密  
昔之蕭然委塾者一朝備舉方隅晏然遂至無事請  
以軍民之意頌佚之德使揄揚而長言之余乃作歌



而與之曰昔民嗽亡今安閭閻侯能撫之皆裕魚鹽  
昔吏訑亡今更詹亡侯能懷之殆亦為廉軍昔驕情  
不識韜幹公服馭之鈆化為銛聲之所被仁之所霑  
人皆手額敬仰惟瞻侯德無隅威惠兩兼侯譽大洽  
侯心愈謙亭高地爽不怕景炎侯卧坦腹日對蒼髯  
刁拆警絕滄海波恬屹然長城人共倚瞻人畏侯去  
咸祝久淹匪我私侯羣情所翕

虛白亭記

虛白亭者吾友洪兼善所構之亭也曷為扁以虛白



取南華氏之言也不取吾儒而其取乎齊諧何居言  
雖不同而意無不同也其所謂同者何虛靈不昧而  
能具衆理室虛生明而吉祥來止言雖殊而意則同  
也然則何不曰明而曰白虛則光光而生明明與白  
一般而白是明之極也以室之虛白而施之外亭可  
乎亭在南山之麓踰雲松之杪北瞰城郭闐闐舉集  
眼底東望郊門數十里莽然蒼然其勢高濶光景無  
窮其受虛白之名無乃名實不孚乎睽彼空闕光輝  
八來湛然明朗塵垢不止而外物不得與之相嬰者



室之虛明也天光下屬地氣上騰半夜沆瀣平朝清  
明之氣如雲非雲浮動於空濛中者亭之虛白也蓋  
吾之心既虛而能白則在室在亭矣擇人有問之者  
曰亭之虛白誠美矣子之贊揚亦是矣然空濛既闢  
日出雲開野馬也塵垢也生物之以息相吹者駢闐  
羅列而進將應接之無暇而無乃心馳於外而牯亡  
浩然之氣乎曰否吾心之本虛萬象亦與之涵虛而  
無損益乎其真有道集虛而盈盈而能實吾之心  
即與天地造化相為表裏然則其虛也非徒虛其白



也非徒白由是而叅贊化育其功不難矣昔裨謨  
於野則獲在邑則否今君之在亭不爲六鑑所攘不  
爲機事所惱能定靜安慮能知所止正其心修其身  
施之於齊治平之極其爲明德吉祥豈不大歟然則  
是亭也豈徒樽酒笑談云乎哉佔畢諷誄云乎哉能  
守虛白而終至於大全之域不遠矣磬叔記

永思亭記

崔侯自殿中侍御史出倅玉果縣於其行也踵門而  
告曰余先人也世居光境奉雙親而事之今則親亡



而葬於巾之山之麓山距家纔十里許構亭而名曰  
永思朝夕望之以寓思慕之意從公藝閣者非一日  
請受一言而歸余惟永思之意大矣是詩所謂永言  
孝思孝思維則之思也凡人之有思必有所觸心之  
官則思思則必盡其誠必盡其職分之所當爲入思  
孝於親出思忠於君其心一也親之於子提攜慈愛  
無所不至爲子者思罔極之恩不能酬焉則惟當竭  
吾心力敬順親旨而無違問衣燠寒而思所宜之甘  
旨脩澣而思所適之疾痛疴癢而思敬抑搔之出入



先後而思敬扶持之怡色婉容思起其孝立身揚名  
思顯其榮其惟不幸而死亡焉則喪思哀而已祭思  
敬而已儼然如聞其歎息如見乎羹墻無處而不思  
況是山乎思先人之遺魄於此則進循墟墓而思繕  
其封溝思培其草對退望蒼翠而思慕之心不能弭  
此亭之所以作也思之長故孝不衰孝不衰故能盡  
其職佚能以事親之誠移於事君又能推事君之餘  
忠以盡職於縣則王果之民受賜其可既耶佚以文  
詞取科第聲名籍甚於朝端今者以雄才下莅彈丸



小邑人皆惜鸞鳳之困棘也而於侯永思之懷則小  
慰矣崔侯其勉之哉昭陽端午後三日磬叔記

### 春暉亭記

如晦氏昆季邀余登後園茅亭亭踞西山之麓東南  
敞豁數十里之遠近峯巒輳集目前楊柳交翠百花  
撩亂如晦氏舉觴屬余曰亭之景勝絕而至今無名  
字可乎請以春暉目之余曰足下之言是矣春光信  
美矣春望甚縟矣然芳樹綠陰千林錦繡亦是樂也  
何獨取於春如晦氏曰余之名亭有深意取孟郊詩



中語也余聞之始以歎終以悲也自我曾祖靖平公  
始於此而卜筮以遺恭度公恭度公陪大夫人柳氏  
而常遊樂焉恭度歿後我恭惠公繼之陪大夫人金  
氏而遊樂焉恭惠歿後伯氏文安公陪大夫人安氏  
而遊樂焉今至足下已五世矣其能以孝上嗣先祖  
而下及其親也夫春陽煦嘔涵養萬物而萬物各遂  
其生然春陽不自以爲恩而其恩至大以寸草之微  
而欲報之其可得乎人子之於慈母鞠育之恩如天  
罔極有終身為之而不得報其萬一惟當盡吾誠敬



以酒食而榮養之以定省而禮遜之以容色而和愉  
之非徒養其外又必養其內左右無方勤謹匪懈惟  
恐逆于心志也顧衰者不可得而復壯老者不可得  
而還少視日之朝而憂其中視日之中而憂其晷日  
已夕而翳翳將入則猶惜餘暉而欲絆之人子之愛  
無窮而孝思亦與之無窮然則名亭遊樂之意豈必  
崇桃積李云乎哉千紅萬紫云乎哉若余者事親未  
至稀年今有五鼎之榮而未伸五鼎之養終天之痛  
其可既耶雖欲如足下之所爲不可得矣健羨之無



已遂撰文以歸之闕逢攝提格仲冬磬叔記

青坡石橋記

青坡有橋肇自今也京城西數里有川慕華池水與諸洞水合流南達于江夏則滂潦迅急人不得渡聚簇西岸如胡越之不相救冬則曾冰凝沍未免有顛頓墊蹋之患都人之往西南江者輪蹄絡繹每秋觀稼翠華常由此道橫石杠爲碕臨時督辦人甚苦之村人請慈悲釋爲主誘勸諸人都人施錢帛者如市傭召浮屠爲設其不傭而隨喜者亦夥遂伐石於山



礮石爲虹橋。凡幾間兩岸亦累石爲堰固其底壯其址。犬牙相含勢侔坤軸。凡用費綿布數百疋。糜穀亦鉅。大會士衆以落之。於是人之往來者如履平地。夫橋梁之設始於商而著於周。歲十一月徒杠成。十二月輿梁成。古人所以平其政也。徒杠輿梁年年改搆。猶不至於病涉。况於狹甸之間。能建久遠之計。使人人利涉者。其有補於國家誠不細矣。若余者雖見人之病涉而義難以乘輿濟人。今也喜人之用力而樂橋之有成。書而爲之記。丁巳七月日。



奉教製御乘畫馬圖

弘治十一年冬上出御乘神驥四匹命畫工圖其形內乘臣洪伯慶所牽立者即其一也馬本長水驛吏上佐所畜自南服來進京師擅譽於天旣之中龍臆虎脊蘭筋肉駿其瓌奇侗儻不與凡馬伍信瑞世希有之神物也臣竊念自古帝王之興必有賴熊羆之士為之爪牙以盡其才亦有逸足奔走服勞以展其技我太祖御八駿創開大業世祖御十二駿重建丕基當時非徒圖寫股肱亦且畫其毛骨其



所以報其功而酬其勞者至矣今是馬以非常之材  
值太平守成之際雖無驅馳羽翼之勛而出入殿陛  
陪侍臺輿無所弛泛駕之氣有馴和良驥之德感會  
風雲登冠前列與八駿十二駿托身丹青同垂名於  
不朽夫豈偶然哉臣仰撫斯圖記其事而贊揚之系  
之以詩曰

天賦權奇絕等倫拳毛紫爛彩霞新神蹄馭日登黃  
道駿尾捎風散赤塵飽食逍遙三品豆驕嘶躩蹠六  
閒春晝形微物猶承遇何況雲臺帶勵臣



嚴上人碧松堂記

師湖南人也智嚴其名慈舟其號以碧松扁其堂一日因吾贅郎崔生踵門求言於余余謂師曰大抵林林總總盈天地間者皆物也物之類尚多何獨取於松乎余則汨利名老塵寰者也雖有慕松之名而所知者糟粕耳安能盡松之至味而我爲師記之不幾於禿者之論髭乎師曰然則請以松證吾之道可乎松之心貞猶吾道之至正無邪松之性直猶吾道之直指見性松之色不變猶吾道之不二不壞松之深



根不拔猶吾本源不動而衆生皆化於善松之柯葉  
層層敷敷猶吾衆生皆仰大智而得其依庇松之始  
生甲坼句萌其形至渺至長而可拱可把大則三圍  
四圍最大者則千圍百圍立虛牝而上肩千仞之岵  
其大無窮而其見亦與之無窮猶吾道之由小而大  
自下而上進退不已終陟於大光明地也至於林壑  
幽幽猩捫注蓬蒿之徑滿堂前後者皆蒼翠也有時  
大塊噫氣則膠刀焉誦謫焉靈籟自發醒吾心耳而  
塵念不起恍然坐我清淨之界聽天人八部樂也當



大地凝沍之時而守一間蘭若篝燈於榻獨坐翻經  
晨起推戶而視之則青女模糊騰六飛瓊而擺落當  
此時掬泉煮茗其味澹泊而無厭恍如雪山苦行而  
苦中自有樂地也噫何地無山何山無松我之所往  
而松之隨之松也我也即是閒中友也即皆無盡藏  
也取不竭而用無禁者也然則我捨松何適哉於是  
相視一笑遂作碧松堂記以爲棄門後日再期張本  
已未仲秋下澣西山老叟記

獨秀堂記

文

戴公虛白堂成先生文集卷之四

六十七

文



盈天地間者物也而物之不齊物之情也所謂不齊者何物之剛柔舒慘不同而神奇臭腐之時有異也今夫陽春之嘔响薰風之長養凡物之遂其生者紅紅紫紫敷英吐芳爭奇鬪靡於人之耳目雖一時穠艷可慕而柔脆之質其能久乎其能耐久而後凋者惟松與竹而已當風霜搖落之時貫一色而獨也青則其不與凡卉等夷固矣人之處世亦如此也方揚翹聘力於雲路其聲勢所及熏灼煒赫履盛滿而方知止人爵方隆而天爵日鑠能終始保全者鮮矣惟



抱義之士卓乎長往不托跡於繁華之域而甘心乎  
寂寞之濱年高德邵而所守益固其與松竹之不變  
者同一規而芳華盛美何足慕也崔氏周卿余之心  
友也有三十年之舊而交契甚密其為人德周而行  
方讀書爲文其詞鋒鋷利人皆避而莫敢當余亦常  
霑膏馥不幸余先占科策名而先生竟以疾廢今則  
退居完山府之鄉墅有河經流于西北有脩竹千竿  
挺然蒲堂之東南取松竹不二之操名其堂曰獨秀  
馳寄書詩於余以朶余言大哉先生之志也其以功



名爲芻狗也富貴爲土苴也功名富貴皆吾外物而不能撓吾心吾心安焉直與天地造物爲一而無益損乎其真然則松也竹也皆君友于而同結歲寒之盟宜矣若余者以樸櫟微材遭遇盛辰官六卿食二品祿朝夕昵侍帷幄雖有雲水之思無由遂而髮已種種矣困於陸沉而奔走艱辛甚矣然則子之窮非窮而余之達未是達也天下之理固有乘除先生與齒奪角之說真善論也



虛白堂文集卷之五

男世昌編輯

記

止庵記

吾鄰有措大申大圭氏以田師之言求詩記於余余以文菑辭不獲謹按覆鼎山支股南端數里稍西折為綠磻峴又穹窿斗起別作峯者即白蓮山也去京都未十里河城公主墳塋在焉護塋爲願刹者淨土寺也棟宇精緻泡漏有裕雖咫尺紅塵而無紅塵之



雜山高水清允符所謂名者余嘗扈駕西郊道經山下仰見碧瓦參差於樹林間思惟登陟之而末由已至今心常徃來乎其間今承上人之請雖不陟其地而知其爲勝區雖不見上人而知非尋常人也山得郊而止寺得山而止上人得山與寺而又能知所止夫黃鳥微物也至山丘岑蔚之處而得其所當止聖人以況人之能止其善上人之室虛而生白吉祥止而外物不能動其心所謂止者何也不過曰善而已入孰無親無兄孰無與儻僕從以事佛之心事吾親



則當止於孝以事佛之心事吾兄則當止於悌以濟  
衆生之心濟吾民則當止於慈吾以之日用人倫事  
物之際無適不然夫孝悌慈吾聖人之所能盡也師  
亦不失此心能守而能止於善是亦吾徒耳何必山  
在高身深入絮沾泥而不動鳥巢肩而不知然後謂  
之能止歟余則不善知止者也徒知止乎功名而不  
知止乎道德一則愧乎吾徒一則愧乎上人瞻望雲  
山不勝戀<sub>口</sub>之懷而書文以歸之

無住軒記



有釋敏文因柳氏子以其所居之室求名於余且欲  
得記而扁之余於師未嘗有一日之雅何由知性行  
之善否然聽柳之言而已知其爲人矣師於己酉歲  
中教宗大選夫教宗依我文武誠講其徒華嚴經三  
十卷取三十人師一舉特冠乎三十人之首非深知  
釋教而邃於內典者何能如是其徒景仰如我試人  
之敬壯元榮矣哉其榮大矣而師不以爲榮不慕名  
與利去宗門而雲遊於方外今則住文義縣之石巖  
寺之在荆江上山水清美而朝夕巖姿壑態有無窮



之趣師樂而居之有年矣余惟曰師之居真勝矣師之心信樂矣然其居有時而厭其樂有時而盡則又將飛錫而他逝矣然則其來未嘗來也其去未嘗去也其住非住而無住爲真住也何以言之身雖在室而萬億恒沙皆在我軒百千衆生皆在我心由吾方寸而散諸萬物何嘗有住著於一榻拘礙於一隅固當以太虛爲家以無何有爲鄉視所居所處猶蘧廬也八紘之遠猶我戶我闥也熙々然休休然其處之若浮其行之若遊物不得以誘之俗不得以變之然



後道即我我即道道與我相與爲一其入不二法門  
何難乎請名軒曰無住師又善棋昔惠遠愛馬而常  
畜之智永草書爲天下所寶一行之棋稱天下無敵  
手夫書棋與馬非關於禪性而未免有伎倆之偏然  
此三人皆上性之人能守大智而其餘技不能益損  
乎其真則師之善棋何害於理是亦人所難也故於  
篇終及之

水鏡堂記

人有稱智敏師之德曰爲人敦方信厚雖方袍髡頂



與吾人異其心與吾人在世者無異深於內典能白  
其業又能多讀儒書知仁義彝倫之說聚學者於堂  
以教誨不倦爲已任凡人有急皆匍匐往救其有經  
過相訪者無不挽留而飲食之篤盡其意然後乃已  
若然則雖謂之吾儒亦可也今者自其鄉人請堂  
名於余余惟子之學問高也精神粹也不賴余言而  
裕如也其居文義縣之石巖寺亦佳境也境雖而佳  
與雲山深窈有異焉則恐師胸中水鏡有時而蒙暗  
故以水鏡名堂而演其說曰物之至清者莫如水也



至明者莫如鏡也夫水性本清而濁者非性鏡性本明而物莫逃形如或泥雜之塵蔽之而清明亂焉則其本性安在然雖濁而湜口之性猶在雖昏而昭昭之質未虧能靜而不撼磨而不已則其變而復其性豈有難哉惟善是識虛靈洞澈者如如不動如水之清清以灑人而沾及無邊如鏡之明明以照物而普昭羣彙人之飲者滌除煩惱人之見者刮去罪障其利益衆生豈不美哉其次已濁而還清已昏而復明其用力方便在我敏以求之耳師能體此意而能守



之外物雖櫻而吾之心不擾吾之水鏡不泯而吾之  
清明不亂也然則非徒升堂於釋氏之道亦可與語  
吾儔之道也

### 三龜亭記

上舍金世卿氏以其鄉豐山縣三龜亭之狀求記於  
余謹按豐山爲安東府屬縣之西五里許有村曰金  
山村東二十步許有峯曰東吳其高僅六七丈亭踞  
峯頭東西南皆距海厥勢敞豁眺望無際亭南有大  
川曰曲江卽洛水也有潭曰馬螺潭上絕壁巖巖高



可萬丈江上長林連亘十里餘亭北又有山曰鶴駕  
有雙溪出自山間來入于洛其會水處爲屏潭或稱  
花川其峯又有石壁千餘丈曰屏壁雙溪北有奇巖  
曰鵬巖溪兩傍有栗對千餘株層翠紛敷亭下有稻  
塍麥壠春則綠髮丰茸秋則黃雲穠穉真奇勝之地  
也花山爲金氏本貫金爲朝中巨閥而其外祖權相  
國齊平公有盛名於朝權氏即其女也年八十有八  
其子永銓永錘永鉢等皆爲近邑守令極其奉養又  
構此亭以爲晨夕遊憩之所亭基有三石形如伏龜



故以三龜名之每當良辰吉日扶輿升亭萊衣彩服  
輝映前後蒲亭蘭玉森森列侍萱闈含飴而悅豫其  
為樂可勝既哉大抵世人有其居不得其勝有其勝  
不得其樂而今則地得其勝人得其賢親又得其壽  
衆美俱備豈非積善輒慶之所致夫生之壽者莫如  
龜物之固者莫如石人子之欲親之壽如龜之求如  
石之固人人之所願自茲以後至于曾玄自曾玄至  
于仍雲之遠使各奉其親如今之所為世世而勿替  
則鄉爲壽鄉人爲壽民而當留美於青史矣若余者



誰有采梓微區而縛於名韉無由退老而且靈根已  
龜具爾多喪雖有五鼎之榮而欲爲子路之負米終  
不可得則左羨夫金氏之諸賢能奉其親而娛樂之  
也

鎮南樓記

湖南五十餘州惟全爲鉅府百濟甄氏之舊都而我  
聖朝璿源所肇之墟襟喉南服萬家闐闐人物駢闐  
人之南轅往來者必出此路翼節蜂午書檄交馳撫  
御之勞功倍他邑故朝廷重其任而難其人夫莅民



之政猶工之攻木得於心而應於手則自得巧而成  
器不難不善斲之者血指汗顏而終不得有成也李  
公堪以輿望來尹是府體正心清方嚴簡邀以父母  
之道理民以君臣之義馭吏旬月之間治化大行事  
之委靡者辦集吏之姦猾者良善瘡痍舉皆蘇息呻  
吟化爲謳歌而一境之人皆安堵而無虞矣客館之  
後有樓隱映於林木間歲月既久風雨侵蝕棟宇欹  
傾將至廢墜監司鄭公叔埴與公登樓徙倚慨然有  
改搆之志不煩民而役力足不費射而餼食裕於是



楹桶之推墊者易之丹堊之阨剝者鮮之因其舊制  
增加貴歸別其蓄翳使之踈暢老栢倚庭而偃蹇巨  
竹環堦而挺立月出有篩金之色風來有靈籟之響  
曾翠紛敷檐楹飛舞庭陰顯敞陰陰沉沉望之益嚴  
衆賓之集樽俎揖讓之際恢恢乎有餘地然後知公  
之用力甚悉而自與大府爲宜也今有言者曰任字  
牧者必先懲姦慝而輯黎庶樓之建不建實無關於  
政治是不知本末先後之序也昔子產治鄭使都鄙  
有章上下有服田有溝洫廬井有伍又能脩客館固



垣墉而高開閣故賓至如歸而鄭遂大治今公之蒞  
府吏怵而民懷法立而敝祛既立其大者而又於毫  
毛小事無不備舉樓臺館廨以次繕修其所以尊使  
命而庇徒旅者無所不至然則政之大者孰逾於此  
而其治卽子產之治也噫此邑得樓而益壯此樓因  
公而益固而全之美名將流遠於後後之頌君遺愛  
立爲生祠者其不在茲乎今之守令務營己私不爲  
公家之利任僻陋而不修公廨者非徒公之罪人抑  
亦子產之罪人也通判丁侯三山勤謹有聲稱副公



而贊成善治全民之福其可既耶是亦不可不書也

濟南樓記

吾友李公伯勝尹全之三年朮鎮南濟南二樓記於  
余余是不到其地目不見其景而俟謂余記之余為  
公記之心與眼相矛盾不幾於捕風捉月之無其驗  
乎昔韓昌黎不見滕王閣而作其記徒叙歲月而光  
景則不之及焉今余之作其類是歟謹按年來之書  
而為之說曰樓在州城南門外不知何時所搆牧老  
曾留詠而洪公汝方重修焉年代緜邈委靡而莫之



舉者已久安公琛按節南隲觀斯樓而有修復之志  
厥期奄至終不得遂今公之來承安公付屬之勤請  
于監司鳩財募匠一新其制而增飾之又等墻垣繚  
繞屬于城門然後州之形勢壯而樓之景槩左勝大  
川出自上谷沅沅經于樓下其西北疊石爲堰以防  
水之決鬻其外羣山環列如拱如揖萬景臺倒影於  
鏡面猗麟峯聳翠於東隅田疇繡錯閭閻櫛比晨昏  
烟火掩靄於樹林之間茫茫大野眼界空闊登之者  
心廣神怡而其興無窮矣大抵遊之適有二奧如也



曠如也若夫邀會衆賓獻酬交錯秉燭娛夜禮以將  
事此則宜於鎮南樓之輿也至於憑欄縱體俯仰天  
壤陶寫性靈導宣湮鬱此則宜於濟南樓之曠也州  
之人物殷富禮文繁博訢譟控恣左指右揮無暇應  
接一朝登斯樓也則人之難還者無限物之森布者  
無窮有觸于目無不動于其心千夫畚鍤辛勤農事  
者租稅先入公家十畝桑柘劬勞蠶績者絲帛先歸  
閭右漁者釣而不能自食牧者秣而不能自騎負者  
戴者偃偻而往來者無非謀於衣食飢者思欲哺之



寒者思欲衣之困苦者思欲休息之視民之不寧如  
疾痛之在乃身以此措之於治則其濟南民之心與  
龔黃之治無以異其有補於政教夫豈少哉

監察廳壁書記

國之有臺府猶人之有耳目耳司聽而目司明然吾  
之聰不能察微吾之明不能燭遠則當取人之聰明  
以爲聰明是故元首雖尊必資乎耳目而耳目之官  
所以翊元首而勉輔者也今憲府長官凡六人大司  
憲卽古之御史大夫之職執義卽古中丞之職掌令



持平即古治書侍御史之職諫正君過而獻替之糾  
覈百僚而進退之其任大矣其下監察二十四員即  
古監察御史裏行之職爲府屬官各掌其務如朝覲  
赴京朝廷禮會帑庫出納祠祭科試等事無不往參  
摘發奸蠹繩糾非違風聲所到人皆縮慙而知畏其  
所以防僭濫而窒其源者至矣其或有姦而不能摘  
有違而不能糾終進旅退含糊泯忍備貪而苟祿則  
其墜廢職事孰大於是銓曹亦必選有門地物望者  
而注之如非其人臺中駁而去之故人皆重惜名器



咸遵禮教不敢有泛駕之志僚友之中親愛箴警不  
啻弟兄非他碌碌庶官之比也壬戌月日宋君誠柳  
君房偶會朴君晉卿之第持平柳君應龍適過焉房  
之言曰駟馬契軸尚矣然與其各分其軸藏之私篋  
曷若造大軸掛諸本房以爲永世觀覽持平曰諾即  
貽造軸之資若干内外房議定使梁君澗主其事諸  
先生聞之爭相樂助軸既成會尹君承柳之第而落  
之俾求記文於侃侃以蕪拙辭不獲乃曰監察名爲  
臺官而無聽訟彈人之任分往羣司雖煩簿書還來



本府寂然無事實清要之地也今也朝廷清明方隅  
寧謐聖上恭己端冕廣闢四門聰無不聞明無不  
照庶官百執事皆得其人而無廢舉爲耳目之官者  
無所裨乎聰明而反得以無事諸君當太平之時作  
太平之會團藥盃酒之間風流氣既傾乎一世相與  
欲圖不朽模寫繪形兼錄姓名以掛于壁使後之覽  
斯書者仰長官廳之深嚴則知霜威之不可犯覩本  
房之勝集則樂其舊俗遺風歆艷歎慕之者彌遠而  
不替矣豈偶然哉若俛者濫承遭遇拜長憲府未得



叅名於本房其所畏孰大於此

清風樓記

環京都三十七邑惟廣爲雄藩山川奇秀境壤遼夏  
居民稠櫛人物殷富英雄將相其出無窮又當歧路  
四達之墟使節旁午輪蹄交駑其儲峙供億視他邑  
十倍且密邇於京治之善否朝夕必聞若非文武才  
畧清廉肅下明惠公直者不能有所爲故能副此職  
者實難其人龔黃之治罕有聞也今李侯鈞治隨州  
六載政居第一以最遷未幾又出牧於廣治廣一依



治隨其爲政如工之攻木得於手應於心盤根錯節  
大理小脉莫不迎刃而解姦胥黠吏畏如神明不敢  
有欺之之心由是號令不閤而德澤深入於民汙萊  
化爲膏沃懸鶉化爲紉袴閭里晏然無一物不獲其  
所者矣一日顧謂左右曰此州客館創於麗時經歷  
歲月之久棟宇傾欹而莫支丹雘彫剝而莫章余心  
歛然不寧者久矣盍新規制以圖不朽通判延君井  
潔貧而成之不勞鑿鼓之召人爭趨役於是大構東  
樓其餘軒宇以此修整凡二十有餘間權與於二月



至六月竣事大廳輪奐鮮明使人儼然望之不敢麀  
禮虧敬上下廊廡穆然清邃閒房密室各隨其宜樓  
在弘庭羣樹之間登斯樓則清風滿襟飄然有列禦  
寇馭風之意故因舊額而名之曰清風蓋人之當此  
清者足以祛炎燠而宣湮鬱民之飲此風者足以解  
其愠而阜其財樓之取名深有意也且州之學校頽  
廢無庖舍馬廐又無垣防去歲已增修而完葺之矣  
今又舉此大事役不重斂不煩無虛羨無侈飾不數  
月克底厥功百年墜典一朝修舉非雄才大手何以



至此大抵今之任字牧者不留心細務苟延日月專  
濟已私惟恐不及視官舍如視逆旅任僻陋而不敢  
有所措置誠可笑也公孫僑鄭之賢大夫也以君子  
之道四者治其國又能修治客館夫所以美客館者  
所以敬賓客也敬王室也當時夫子稱之以至今青  
史留爲美談今侯之政一從子產之所爲而其勞心  
撫民又出於其右則賜金增秩應不遠矣通判承順  
侯志與之共力治人決務綽有佳譽是亦不可不書  
也壬戌七月既望記



仁川府鄉校重修記

李侯承元守仁之三載邑無弊政政皆得宜黎庶救  
寧治化大洽乃詢治化之本專在於學校常時祀事  
必先謹崇顧其館宇營建歲以多至摧仆於是葺而  
新之監司盧相國公弼佐助其費修舉廢墜南廊四  
間西齋四間正厨四間皆得締構儒生父老欣懽感  
歎思欲揚侯之德以記顛末余惟夫子之道大矣極  
天地亘古今而長存大而朝廷上下君臣之分小而  
閭巷彞倫孝友之性無一不得其所而安於衽席之



上者伊誰之力也間有顓愚之民不深灼是理多惑  
於異端之說浮屠琳宇爭崇奉而貢歸之至於列郡  
學舍鞠爲茂草而不知恤其來已久今我殿下以  
堯舜之明撫唐虞之治斥去邪術尊崇正道數年之  
間人皆去釋氏而從夫子之教中外晏然四方妥帖  
文質彬彬之盛亶古無比而仁之人又得賢侯留心  
於學先立根本譚禮樂而陶民敦教化而阜俗而蜀  
之文翁不得專美於前矣齊大國也太公之所親理  
也而其治化不能有加於魯國者以齊人重魚鹽而輕



禮義之所致也。今仁雖去京，甚邇而僻在一隅，西枕  
滄海，人所利者熬鹽，所欲者網魚，罕有橫經抱牘者。  
今則人人談詩書，戶戶知禮讓，以彈丸區地為三十  
七邑之稱首，則齊變至魯，魯變至道，將不在於茲歟。  
然則今之仁民非昔之仁民也。今之太守非昔之太  
守也。太守視民如子，民視太守如父母，他日攀車載  
鐙者，非侯而誰為？立生祠者，非侯而誰當於古之人  
尤矣。

平丘驛記



國之有館舍古也先王之制十里有廬二有飲食三十里有宿二有路室五十里有市市有候館所以待朝聘王人禮無關而防無虞此商旅所以願出於其途也自先王之教之不行國家辭命之日繁輪蹄交轅於達路而郵驛獨先受其苦嘗讀孫樵廢城驛記褒城控二節度治所一歲賓至者不下數百輩朝去暮來寧有顧惜心至有飼馬於軒宿隼於堂凡所以汚破室廬糜毀器用無不至官小者雖猛可制官大者其下益暴橫難禁由是日益破碎驛曹八九輩雖



以供億之隱一二力治之其能補數百人殘缺其言  
正中今之病余意以為非獨過客之罪任其職者類  
非人也乘肥駟務厨養苟延歲月侵暴下人憑營已  
私視其棟宇如秦視越瘠曾不易一椽一桶無毫絲  
補於公家者皆是也今之平丘驛與古之褒城無異  
在京之東三十里許東向原州北接春川皆連嶺東  
西之境又北連楊州南底廣州當六路要衝之途使  
華往來者多宿于此室不能容人不堪苦支傾柱危  
將有摧仆之患辛酉二月尹侯漬爲察訪泣官之日



周而視之慨然歎曰此豈非任官者責歟豈可坐視其廢而翹然不留意歟其年三月肇營備財陶瓦改而構之越明年壬戌春竣工於是館舍房櫳以至廊廡既庫之處咸得其宜内外有嚴上下有容客至始忘歸矣噫佚之所掌者馬政也既修馬政又興鉅役需財於節用聚民於召募曾不侵迫督促而皆樂趨事不敢告勞其悅以使民可知矣推此而以莅大邑俾處劇任則其游刃盤錯不勞餘力佚之所進其可量歟佚茂松世族扈村先生之子業儒博學所交皆



一時名卿俊士云

梁文驛記

傍京都有三大路曰良才道南向嶺湖南曰迎曙道  
西向平安黃海達于帝京曰平丘道掌東北路出東  
門三十里許有綠楊驛又三十里許有安奇驛又三  
十里許有梁文驛連豐田諸驛以達于東北分實北  
方之大途也雖爲永平縣屬驛而相距十里餘又前  
值大川暑雨水漲洄寒凝冰人不得渡多留連憇息  
于此非徒商旅愁悴抑有使華稽滯之時顧館宇傾



天墊隘而少有八宿之者厨餼不敷駟騎不備無以  
稱過客之心加以女真往來蜂午稍不稱意又詬怒  
侵辱舉驛繹騷鳥鼠四竄而不敢出由是驛非其驛  
而人不堪其苦矣辛亥春以茂松尹侯為察訪下車  
之日先點馬籍次視館舍進郵吏而語之曰汝輩自  
祖先以來居此地久為郵役雖困於奔走食土毛蠲  
雜徭養妻孥以庇衣食皆君惠也而不知任可乎所  
當先者駟馬也而籍存而無馬所當修者館舍也而  
館頽而不振汝不得辭其罪矣皆曰唯於是馬之瘠



者養之羸者易之亡者補之又且擇材於山陶瓦於  
郊縮食節用廣鳩人力衆手偕作爭務經營先立大  
廳以連東西軒其下各有長廊又建樓庫槩至馬櫪  
厨舍皆改而構之不用茅而被之以瓦閱一歲而竣  
功已孱人有寓宿之者悉皆安頓數十年擴闢之事  
一朝煥然皆新若非僕用心之勤奉上之忠何至於  
此其視州邑之宰欲娛過客虛構樓觀於山水間者  
其事不侔矣他日受上賞增職秩非僕而誰者然則  
懸名於壁垂耀無窮使後人咸指而美之非幸也宜















十